



Барча хъуннав Къурбан-байран!



ИЛЧИ

№ 20
(2334)

27 май 2026 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкссар 1917 ш.
Цунил итабаклан бивкссар 1991ш.

Цунилгу цЮрувкъумуния — лакку маз ябаврия



Нюжмаркъини «Илчи» кказитрал редакциялий хъунни «Лакку мазрал хІакъинусса тагъар ва му хъхъичІунмай шаврил ххуллурду» тІисса ккуркки стол.

Махъра-махъсса занг



Гъумучиял школа

Гъашину Лакрал райондалий школа къуртал бунни 25 оърчІал.
9-мур класс - 79 оърчІал.



Хасъсса аъралий операци-
Хялий ватандалул мурадру
буручаврил ххуллий чувшиврий
жан дуллусса Хъусрациял шяра-
васса Гаргацов ХІасаннул душ
Лаура Махъра-махъсса занглил
байрандалий буттал ниттищал
РайхІанатлушал. ТІайлабацІу
баннав Лауран гихунмайсса оър-
муллул ххуллий

Ххув хъусса ацІунनावух ур жуламагу



Майрал 23-нний Каспийскалий, Аъли Аълиевлул цІанийсса
Мспортрал чІальаь-къатраву Дагъусттаннал ва АьсатІиннал
лачІунбуккултрал матч хъунни. 70 кило кІушиврул думиннал мат-
чрай жула лаккучу Ибрагъим Ибрагъимовгу дунияллул чемпион
Давид Баевлушал лачІун увккун ххув хъунни.

Аьрасатнал ишбажаранчишиврул (предпринимательствалул) кьинилун хасну, Дагъустаннал бакIчинал буржру чIумуйну биттур буллалисса Федор Шукин хьунаавкьунни республикалул чIиримур ва дянивмур бизнесрал вакилтурашал.

Къуллугъчитурал ва ишбажаранчитурал хьунабакъаву



Хьунабакъаву дайдирихьунни ванал ишбажаранчитурахаь СВО-рал гьуртгучитуран ва вайннал кулпатирттан, мукумта тIабиаьтрайну зараллу бивминнан буллалисса кумаграхлу барчаллагъ учаврийну.

Хьунабакъаврил лагрулий ххал бивгьунни ишбажаранчитурал хьхьичI бавцIусса, вайннан багъайсса куццуйсса шартIру даврицIун бавхIуну, республикалул каялувшиндаран шаллу буван дакIнийсса масъалартту. Вайннувах гъаз бунни бизнесрал легализациялийн ва бизнес тIитлатIисса чIумалсса административ процедурарду бигъа даврийн багъаймигу. Гъаз бунни республикалий зайтундалул

(оливковый) багъ баврилмур масъалагу.

Федор Шукиннул кIицI лавгунни влаьтарал мурад бушиву бизнес «ххютула» дуккан даву ва мунил тIайласса даврицIунсса шартIру шаллу даву, ва кьинисса хьунабакъавугу дуршиву ишбажаранчитурал чулухасса суаллу баян, «цIуцIи кIанттурду» ялун личин буван.

Дагъустан Республикалул ХIукуматрал председателна буржру биттур буллалисса МахIаммад Рамазановлулу цалва ихтилатраву кIицI лавгунни марцIну ва тIайлану зузисса ишбажаранчитурал чIарав бацIан, бизнес тIиттин, хьхьичIуннай дуван шаймур буллантишиву.

Ххуллурду буллансса ххуллу-хха лякъин



Дагъустаннал бакIчинал буржру биттур буллалисса Федор Шукин ва «Кавказ» тIисса автомобиллал ххуллурдал федерал управлениялул хьунама Александр Лукашенко хьунабавкьунни, жулла региондалул транспортрал инфраструктуралийн багъайсса масъалартту ххал бигьиншиврул.

Ихтилатру хьунмурчIин

хьунни ттизаманнул трассарду, ххуллурду баврицIун ва бакьин баврицIун бавхIусса. ЛяличIиссара къулагъасралу бия Хасавюрт, Дарбант ва МахIачкъала шагьурдал лагмасса ххуллурдайн багъаймур масъала.

Гъаз бунни гъавалул тагьар сававну республикалул ххуллурдан бивсса зараллацIун бавхIуми суаллугу.

ОьрчIал гъинттулсса бигъалагаву

Дагъустаннал ХIукуматрал председателна буржру биттур буллалисса МахIаммад Рамазановлулу каялувшиндаралу хьусса Дагъустан Республикалул ХIукуматрал заседаниялий ххал бивгьунни 2026 шинал паччахIлугърал хIасиллал аттестация даврил ва цIуллу-сагъшиву цIакъ даврил гъинттил кампаниялийн багъайсса суаллу.



МахIаммад Рамазановлулу кIицI лавгунни, жулла республикалий ттигу-шилагу ЧС-рал (чрезвычайная ситуация) режим дунугу, штатралмур режимрай, аьдатсса къаралданий хIадур хъанай бушиву июньдалул 5-нний дайдирихьуну, августрал 30-нний лахьи лагантIисса «летняя оздоровительная кампаниялийн».

Ттигъанну хьусса тIабиаьтрал бала-апатIисса иширттайн буну, ванал тапшур бунунни оьрчIал лагердал ялтту цал ххишалану буккан, дукъарну лирчIисса давуртту духьурчан, дуван. Яляяларив, ххишаласса къулагъас дуван миккусса санитар-эпидемиологиялул къараллах ва оьрчIацIух зун нанисса пишкартурах (педагогикалул ва ме-

дициналул зузалтрах, вожатыйтурах ва м.ц.).

Къулагъасралун лавсми масъаларттавах бур лагерьдайнсса путевкардайн багъаймургу. Вай дуллалисса чIумал чара бакъа ва хьхьичIва-хьхьичI хIисаврайн ласлай бур хасъсса аьралий операциялул гьуртгучитуралми ва ихтиярду дуруччай органнал зузалтралми кулпатру, мукумта захIматсса иширавун багъсса кулпатирттавусса оьрчIру, вайннувах щин ххярххун къатта-къушлин зараллу хьумигу. Мукумта цIуллу-сагъшиврул ссуускуьсса оьрчIругу.

Регион вай иширттайн хIадуршивриясса доклад булла, республикалул кIулшиву дулаврил ва элмулул министрнал буржру биттур буллалисса ЯхИя

Бучаевлул бивсунни республикалий ва гъинттул 46 азарунния ливчусса оьрчIру бигъалагантIий бушиву, республикалул бюджетраву вай иширттан ккаккан буну бушиву 429, 48 млн къуруширттал, зузи бувантIишиву 373 лагерь, вайннува 25 цIуну бивсса школалий ва 95 гъануцIакул бакьин бивсса школалий. Шагьрулул къатIувсса «Солнечный берег», «Орленок» ва «Юность» тIими лагерьдай буминнуцIун буну бур цIусса корпусуру, ца сменалий аьмну 300 оьрчI ххишалану игъалаганшиврул.

Гъаз бунни оьрчIансса дуки-хIачIиялул даражалийн багъаймур масъалагу. МахIаммад Рамазановлулу тапшур бунни ва кIанттухсса бургаву ларай дуван, пальмалул аьгъушиву думир ишла даврий къадагъа дишин, шайссаксса чIярусса ишла дуван жучIара ххярххун дурмур ва ххал буван пищеблокуру.

Гъинттулсса лагерьдансса дуки-хIачIиялул анализ дулла, Роспотребнадзорданул Дагъустаннайсса управлениялул каялувчи Залимхан Оьмариевлул бивсунни 59 поставщик ва 4 оператор ушиву. Баян бунни административ танмихIру бивми поставщиктал, хаснурихь фальсификатсса, къалпсса продукция диян дулла биривми, гъан хьун къабитантIишиву. Бивсунни оьрчIансса дуки-хIачIия диян дуллантиминнаясса тIалавшиннардаягу.

Гихунмайясса ихтилатру хьунни ГИА дуллалисса чIумалсса тIайлашиврийн ва марцIишиврийн, мюхчаншиврийн, экзаменну дуллалиминнал цIуллу-сагъшиврул хIалданул ялув бацIаврийн багъайсса.

Ххувшаврил варистал

МахIачкъалалив «Россия – моя история» цIанилусса тарихийсса паркраву хьунни «Наследники Победы» тIисса республикалул интеллектуал тIуркIуллу хIасиллу дуллалисса батIаву. Вай бьаст-ччаллаву ххув хьуми барча бунни Дагъустаннал бакIчинал буржру биттур буллалисса Федор Шукиннул.

«Наследники Победы» тIуркIу жучIава буллалиссар кIилчин. Ва хъанахьиссар Буттал кIанттул цIанийсса Хьунмасса дяввилун хас бивсса, дуниялул ва билаятрал тарихраву агъамсса кIану бугълагъисса иширацIун бавхIусса суаллу бусса тIуркIу. Гъашинумунувун бивчуссар Аьрасатнал халкъуннал цашиврул шинацIун бавхIуми суаллугу.



Гъашину вай бьаст-ччаллаву гьуртту хьунни 4 азарунния ливчусса дуклаки оьрчIру ва колледжирттал студенттал. Финалданийн, тIурча, дурккунни 70 команда. Цалчинмур кIану бивгьунни Каспийскалиясса

«Патриоты» тIисса командалул, кIилчинмур – РутIуллал райондалисса «Лидеры» командалул, шамилчинмур кIану – Лавашиял райондалийсса Жанмагахи шараваллил дянивмур даражалул школалул командалул.

Лайкъминнал аьпа абад булла

Дагъустаннал ХIукуматрал председателна хьиривчувнал буржру биттур буллалисса Муслим Телякавовлулу каялувшиндаралу хьунни цIа дурксса, лайкъсса инсантурал ва тарихийсса иширттал аьпа абад баврил Дагъустан Республикалул БакIчиналIисса Комиссиялул заседание.

Шикку ххал бивгьунни республикалий ляличIисса ккак-

киартту чIалачIи дуресса шама дагъустанлулвал цIа абад даврил масъала: юстициялул советник ХIажи Мамедбековлулу, республикалул халкъуннал шаэр Аьбдулла Дагановлулу ва Аьрасатнал Федерациялул лайкъ хьусса художник Альберт Хаджаевлулу. Шиккува кIицI лаган, Альберт Хаджаевлулу цIа дизантIиссар Каспийск шагьрулул оьрчIал художествалул

школалул. КIулсса куццуй, ва зий ивкIиссар художник-график хIисаврайгу, ванал шаллу бивсар жулла республикалулгу, билаятралгу, чил билаятиртталгу автортурал 200-нний ливчусса луттирду. Комиссиялул члентурал цинья цану чIурду булунни кIицI лавгсса дагъустанлултурал аьпа абад баврихлу.

Лажин хIадур дурссар
Бадрижамал АБЛИЕВАЛ

ХІасиллугу, бигъалагавугу ххуйсса хъуншиврул



дархІуну дуллалимур давриягу, каникуллайн бувксса оьрчІру ххуйну бигъагулаган, чІунгу оьнна гъан къадуван гъинтнил лагерьду цукун хІадур буллаи бусаривугу.

Ва дукъаврил шинал ахирданий аттестациялийн итаавкъуну ур 1301 школарул 9-ми ва 11-ми классирттал 62 азаллий 697 выпускник. ГИА давривун кІункІу бувну бур 13 азаруннийн биявайсса зузалт. ХІадур бувну бур экзамену дуллантаисса 154 пункт – школардал базалий, 37 пункт – шаппасса, 4 пункт – УФСИН-рал идарартай. ХІадурну бур видеосистемалулгу шаллу бувсса 3 азаллий 369 аудитория. Экзамену дуллалисса пунктирдай бавцІуну бикІантІий бур медициналул зузалт.

ГИА дулавривусса цІушиннардаву дур тестированиялул Федерал центрданул шаллу дурсса экзаменнал давуртту дурчъаврил система.

Ва шинал экзамену дулаврил давриву чІяру гъараллацІун дархІусса тагъарданулгу къайгъурду ххи бувну бур, бур муниципалитетру, ххулдурду левкъун, гъан-бучІан захІмат хъанахъисса.

Ва шинал гъинттулсса лагерьдай игъалагантІиссар 47 азара оьрчІ. Вай хъанахъиссар, дукІумуних бурувгун, 8 азара инсан ххишаларса. Гъинтнил лагерьдал цалла даву дайдишинтІиссар июндадул 5-нния тиннай. Зий бикІантІиссар оьрчІру бигъалагансса 373 идара: вайннува 22 – шагърулул къатІувсса, 351 – школардацІун тІивтІусса.

Майрал 25-нний «Абрасат тарихийсса паркраву хъунни Дагъусттан Республикалул кІулшиву дулаврил ва элмулул министр ЯхІия Бучаевлул пресс-конференция. Ва хас бувну бия паччахІлугърал итоговый аттестациялийнсса (ГИА) ва гъинттул оьрчІру бигъалагаврийнсса хІадуршиннаран.

Пресс-конференциялий гъуртту хъунни МахІачкъала шагърулул бакІчинал хъиривмур, шагърулул КІулшиву дулаврил управлениялул хъунмур Шаганэ Баймурзаевагу.

ЯхІия Бучаевлул бувсунни экзаменнал кампания шайссаксса тІиртІусса ва тІайласса хъунмур буллаи бушиву.

– Жул мурад – коррупциялул факторду хъун къабитавур ва гъарцагу выпускникнан часса ва тІайласса шартІру шаллу давур, – увкунни ванал.

Бувсунни ЕГЭ ва ОГЭ дуллалисса чІумалсса мюханшивруцІун, экзамену дикІантІисса пунктирдацІун

ХІакъинумунія, цІюрувкъумунія



Ларгсса нюжмардий «Дагестанская правда» кказитрал редакциялий ПаччахІлугърал Думалул VIII-мур созыврал депутат Султан ХІамзаев хъунаавкъунни журналистырашал.

Хъунабакъаврий ххал бивгъусса масъалартту, хъусса ихтиллатру бия жулла республикалул ца яла хъхъичІавамурну ва сий думурну хъанахъисса «Дагестанская правда» кказитрал

давриясса, гъараллу ларчІун, къатрацІа хъуминнан ва цаймигу зараллу бивминнан кумаг бавриясса, жулла инсантурал багъу-бизулиясса, аьдатиртаясса, жулла тарбиялуцІун, культуралуцІун даркъумуниясса ва къадаркъумуниясса. Жулла республикалий цІана хъанахъимунил ва бучІантІимунил ялул дакІ цІуцІисса депутатнан ва журналистыруан буса-учинмур чан бакъая.

Ларгсса нюжмардий МахІачкъалалив Журналистытурал къатрал конференц-залдану хъунни цІа дурксса журналист, Абрасатнал Федерациялул ХІукуматрал премиялул лауреат, ванияр ца шинал хъхъичІ жуятува личІи хъусса Алик АбдулХамидовлул аьпалун цІа кусса «За правду в профессии» тІисса щалагу Абрасатнал конкурсрай ххув хъуминнан бахшишу дуллалисса батІаву.

ЦІа ларгсса журналистнал цІанин лайкъну



Мадина АхІмадова



Конкурс дурссар Абрасатнал Журналистытурал союзрал Дагъусттаннал региондалул отделениялул, меценат Мамед Абасовлул чІарав ацІаврийну.

Ва батІаврий бакІрайра ккаккан дунни Аликул оьрмулул ва пишалул ххулиясса документал фильм.

Хъирив ихтиллатру бунни Абрасатнал Журналистытурал

союзрал Дагъусттаннал региондалул отделениялул председатель МахІаммад Ибрагъимовлул, Дагъусттан Республикалул Информациялул ва печатьрал агентствалул каялувчинал буржру биттур буллалисса Арсен Юсуповлул, «Дагестанская правда» кказитрал хъунмур редактор Бурлият Токболатовал, политолог, журналист Ханжан Къурбановлул, «ЧІавалачин»

ва «Литературалул Дагъусттан» журналлал хъунама редактор Мурад АхІмадовлул ва ЧІявусса цайминнал.

Конкурсрайн тІайла дурксса 27 даву ххал диргъуссар мукъра номинациялий. Вайннува «Печатные СМИ» номинациялий цалчинсса кІану бувгъунни Тамирлан Мусаидовлул («Дагестанская правда»), кІилчинмур – Хасайбат Меджидовал («Дагестанская правда»), шамилчинмур – Шамил Ибрагъимовлул («Молодежь Дагестана»). «Сетевые СМИ» номинациялий цалчинмур кІану – МахІаммад-Али Хановлухъ («Голос степи»), кІилчинмур – Анастасия Расуловахъ («Мирмол»), шамилчинмур – жулла лаккудушнихъ, Къубиял шъравасса Мадина АхІмадовахъ («Дагестанская правда»). «Телевидение и радио» номинациялий цалчинсса кІану бувгъунни Давид Кумаевлул (ГТРК «Дагестан»), кІилчинмур – Белла АхІмадовал («ННТ»), шамилчинмур – ХІамзат НурмахІаммадовлул («ННТ»). «Блогосфера» номинациялий цалчинмур кІану булунни блогер Тимур Магомаевлул («Мирмол»), кІилчинмур – Альберт Эседовлул, шамилчинмур – Ариф ХІамидовлул. Алик АбдулХамидовлуя «Репортер» тІисса цІанилусса макъала чирчусса журналист ХІажи Илиясов лайкъ хъунни хасъсса бахшишран.

Язиминнавух бур жулва къавтІалтту

Майрал 22-23-нний Краснудардай хъусса щалагу Абрасатнал фестиваль-конкурсрал зоналул этапрай Ухсавнил ва Кьиблалул Къавказуллал федерал округирттаясса творчествалул коллективирттавух гъуртту хъунни Республикалул Халкъуннал творчествалул къатлучІасса, Хасавюрт шагърулиясса къавтІаврил коллектив «Эхо гор».

Фестиваль-конкурсрай

кІирагу федерал округраясса коллективирттавух гъуртту хъуссар Донецкалал ва Луганскалал Халкъуннал республикартаямигу, Запорожскалал ва Херсонскалал областирдаямигу, цинявппагу урчІва коллектив.

Коллективу бьаст-ччаллий бувксса творчествалул личІиличІисса жураддаву: халкъуннал музыка, къавтІавуртту ва Абрасатнал халкъуннал аслий-

сса культура ккаккан дуллалисса. Вайннува хъхъичІун ливчуну, жулла республикалиясса коллектив хъунни фестиваль-конкурсрал лауреат валайкъ хъунни 2 миллион кьурушрал лагрулийсса грантран. Ти ва коллектив гъуртту хъунтІиссар Москвалив хъунтІисса финалданийгу.

Фестиваль-конкурс хъунни Абрасатнал Культуралул министерствалул кабакъаврицІух.

**Лажин хІадур дурссар
Бадрижамал АБЛИЕВАЛ**

Цунилгу цюрувкъумуния — лакку маз ябаврия

Шикку гьуртту хьун овькуну бия лакку мазраха зузисса элмулуд ва педагогикалул, магьирлугьрал сфералул зузалтрайн, чичултрайн, журналлистътурайн. Агьаммур ихтилат бия хьакьинусса лакку мазрал тагьардания, му ябансса чаранная ва ххуллурдая. Гьурттучитурал бувсунни къамул дурсса орфографиялул сводрал хьакьиравусса цала пикри. Циньявпа ихтилатчитурал чурчав дунни сводраву хьунисса дахханашивуртту дулла, маз лахьхаврил, ябаврил ххуллий ххисаласса захьматшивуртту дуллан къааркиншиврий, укунмагу маз къакьулсса ялун нанисса никиран мазрал къайдарду бигьа дан аьркиншиврий, словарьдайнгу чул бивщуну.

Руслан Кьардашов, «Илчи» кказитрал хьунама редактор:

Хьакьину шиккун бавтми циньявпа ца ххуллий зузисса инсантал буру. Жула дахьавугу цаьк дурну, лакку маз ябан, хьхьичунмай бан ци чаран ляхьлан буриьв ккаккан аьркинни. Цуксса хьайпнугу, лакрал кулпатирттаву 50-60 шинну хьуминнангума лакку маз кьулну бакьар. Хьирив наниминнан жула маз щил, цукун лахьхьин бантиссарив пикри бан аьркинни. Балики дялахьрулул центрду тивтуну, спортрал туркьурдашала, музыкалушала, къавтлавуртташала архьал бачин барча маз, муния мюнпат хьун. Пикри бан аьркинни.

Мирза Давыдов, Дагьусттаннал халкъуннал чичу:

Жува буру Лакку инсантал бизлай бур кьиялу къянатну бушиврийн бувну тий. Жула нитти-буттал заманнай диявкъай къянатшиву, цана дурив? Та чумал ччатлул хьирив най бивкун бур Азирбиджанавун, Аьрасатнал шагььурдайн. Цана, гьарзат шиккура дуна, циванни бивзун нанисса цала миналия? На радиолуй зузисса чумал чья-чьяни Чичултрал къатлувун лагайссия. Ихтилатраву ца махь оьрус мазрай учирча, ина оьрусравкъай, лаккучуврав куну га цана аьй дайва Юсуп Хаппалаевлул. Му даражалийн биян аьркинну буру жува цанагу.

Роза Эльдарова, аьлимчу, профессор:

Яла ххуймур маз хьанай бур учайсса куццуй чичайсса маз. Чьявуми мазурдиву учайсса куццуй чичин хьанай бакьар, дуну тий лугьатру. Мунияту, инсантал цалийн бувкун, циньявнан бувчайсса маз бикланшиврул, сакин бувну бур литературалул маз. Му мазрай ккаккан бувну бур цукун чичин аьркинсаривгу. Жучава бусса, жува аьдат хьусса букварду битан аьркинну бур. Ми баххана буллан, цусса алфавитру буллан аьркиншиву чалай даьсар. Аьркин бакьассар, махьру баххана буллай, къайдарду даххана дулла, маз захьмат буллан. Кьичи лавгсса орфографиялул конференциялул мурадгу тинин дурну диркьсса сводрал правиларду ххал дурну, куклушинна даву бия.

Нюжмаркьини «Илчи» кказитрал редакциялий, хьунама редактор Руслан Кьардашовлул сипталый, хьунни «Лакку мазрал хьакьинусса тагьар ва му хьхьичунмай шаврил ххуллурду» тисса ккуркки стол. Ва хас бувну бия уттигьанну хьусса «Дагьусттаннал халкъуннал мазурдил орфографиялул свод» тисса Шалагу Дагьусттаннал VII орфографиялул конференциялий къамул дурсса лакку мазрал чичурдал къайдардан.



Мирза Давыдов Руслан Кьардашовлуцал



Светлана Мутаева, А.Тахо-Годил цанийсса Дагьусттаннал Педагогикалул научно-исследовательский институтрал ниттил мазрал секторданул хьунмур элмийсса зузала:

Махьсса шиннарди чан дунни лакку мазрал дарсирдал сьятру. Дурагу кьира сьят дур: ца мазрал, ца литературалул. Жула маз лахьхьаврин, яшаврин дайшишу дансса ца иш цамургу хьунни. Дуккавил программалувун дуртунни «русский родной» тисса цусса дарс. Оьрус маз ххуйну лахьхьиншиврул, экзамен ххуйну дулун хьуншиврул тий, чьявуми нину-ппу, лакку маз къааркинни, му чувчав бучи ляхьлай бакьар тий, «русский родной» тисса дарсирдин занай буллай бур оьрчьру. Кьизлардай арула школалий буссия лакку мазрал дарсру дихьлай, утти циньяв русский роднойлийн занай, цавагу школалий даьсар лакку мазрал дарсру. Нитти-буттан бувчлай бакьар ми дарсирдай экзаменнай хьадур къабайшиву, микку оьрчлай лахьлай бур оьруснал культура, багьубизу, аьдатру. Жула Дагьусттаннай аьркин даьсасса дарс дуртунни. Яла хьуними группарду гу му дарсирал буссар. Миннун

шанна сьят дулуну дуссар.

Школалий, 1-мур классрая байбивхьуну 11-мунийн биянин ххуйну, гьира буну зузисса учитель ухьурча, шаплату чансса бунугу маз кьулсса оьрчьругу буклай бухьурча, муния хьунссия кумаг, ттула пикрилий.

Римляна Саадулаева, ДГПУ-лул Дагьусттаннал мазурдил кафедралул доцент:

Вай масьалартгал ялуь орфографиялул комиссиялувуми хьойла бавтиссару. Шайсса хьарачат буллай буссия ва цанасса даражалий кьулсса маз, дахханашивуртту дулла, цушиннарду къамул дулла захьмат къабан, маз лахьхьаврин дахшишу къахьун. Хьакьину жува цукун-бунугу оьрчьру лакку мазрай гьалгьа тун бивкьссания тисса тагьарданый буру. Жугу, ва комиссиялувуминнал, сводраву личьисса дахханашивуртту къадан хьарачат барду. На педуниверситетра-



Роза Эльдарова



Светлана Мутаева



Хазина Аминова



Салихлат Сайпуллаева

ву дарс дихьлай 30 шинни. Лакрал оьрчьру чансса бур. Маз кьулнугу, къакьулнугу, лахьхьин баннуча тий, кьункьу буллай буру. Маз лахьхьин бавриву, муних гьира бутавриву хьунмур бияла зухьри тун бикьара студентьтурахь.

Супиян Оьмаров, Дагьусттаннал Чичултрал союзрал хьунаманал хьиривчу, лакрал секциялул хьунама:

Учинна ца-кьива махь жула союзрая. Кьира-шанна шинал хьхьичи на Союзравун увкьсса чумал, лакрал секция бачи ставкалий бия. Барду ца ставка. Мугу хьин чулийсса дахханашиву хьунни. Цана лакрал секциялуву уссар 27 инсан Аьрасатнал Чичултрал союзравун бухлахисса, лакку мазрай чичлачисса. Миннава аьла – жагьилсса шаэр. Вагу, ттухьва цухьирча, къаоьккисса ишри.

Аьйша Гаммакуева, Мазрал, литературалул ва искусствалул институтрал (ДФИЦ РАН) чивимур элмийсса зузала:

Апрель зуруй дуссия шалагу Дагьусттаннал орфографиялул конференция. Мунийнин хьхьичи циньяв мазурдил, лакку мазралссагу, группарду бавтун буссия. Мурад бия дуклакисса оьрчангу, лакку мазрал дарсру дихьлахьисса учительтурангу бигьану бикан, ттининнин диркьсса сводрал правиларду ххал дурну, куклушинна даву. Му даву ттуйн тапшур дурна. Ва масьала ххал бигьин мазраха зузисса инсантурая группа сакин бувну, хьюра заседание хьунни. Свод ххал дигьлагьийни, ца чулийн къабукьсса цаппарасса кьанттурду ца чулийн бувтун, хьунисса дахханашивуртту къадан пикри хьунни. Хьунисса дахханашивурттая маз лахьхьаврин дахшишу хьурча даьса, бигьашиву хьун най даьсар. Мукун ца пикрилийн бувкунни орфогра-



Аьйша Гаммакуева

фиялул комиссиялувуми.

Ися Аьбдуллаевлул цанийсса Лакку мазрал центрданул каьлуьчи Патимат Аьлиевал цила ихтилатраву кьичи лавгунни цанакулсса нитти-буттан бувчлай бакьашиву ниттил мазрал агьамшиву, му оьрчан кьулну бикан аьркиншиву, мунияту миннашалгу зун багьлай бушиву.

– Хьхьичива-хьхьичи му зат бувчин буллай, нитти-бутташала зун аьркинну бур, ми мукьру бан аьркинну бур ниттил маз оьрчан чара бакьа аьркиншиврий, – увкунни ванил ва бувцунни цила практикалувасса цаппара мисаллу.

Ихтилатру бунни «Зунттал хьами» журналданул редактор Аьжа Аьбурахьмановал, ДГУ-лул Дагьусттаннал литературалул кафедралул доцент Хазина Аминовал, Цуминалийсса Цуссалакрал школалул лакку мазрал учительница Салихлат Сайпуллаевал, А.Тахо-Годил цанийсса Дагьусттаннал педагогикалул научно-исследовательский институтрал ниттил мазурдил секторданул хьунмур элмийсса зузала Пиразат Магьдиевал.

Ккуркки столданул даву мюнпаттасса хьунни.

Адриана Аьбдуллаева

Вай гъантрай хасъсса аьралий операциялий гьурту хъанахъисса Цуссалакрал райондалийсса Цуссаккуллал шяравасса Аслан МахIаммадов лайкъ хъунни Жуковлуд медальданун. Гвардиялуд ефрейтор Аслан МахIаммадов 2022 шинал сентябрь зуруй контракт чирчуну, къуллугъ буллан лавгун ур «Уран» батальондалуд связрал (Р-166-0,5) радиостанциялуд водитель-электрикнун. Аьралий бурж бартбигълагъиссаксса ХIаллай, ванал ккаккан бунни цува низам дусса, вихшала дшшин лайкъсса къучагъ ушиву.

2026 шинал февральданий Асланнун тапшур буну бур хасъсса аьралий операциялуд ишру нанисса кIантурдай ппив хъусса кабельлал линияртту дакъин дансса связистьтурал группа биян бан. Связистьтал биян бан най унува, ца ппурттуву ванан хIисав хъуну дур автомобильданийн тIайла дурсса дрон. Асланнун шикку ляличIисса сисаву, къанкъашиву ва ларайсса пишакаршиву ккаккан дурну дур. НигъачIаву дусса тагъар хIисавравун ларсун, автомобиль махъунмай кIура баен буну, лекъа-пIякъу хъусса къатравун буххан буну, дрондалуша ххасал буну бур. Вайннайн тIайла дурсса дрон магъуйн дагъну, автомобиль ва экипаж ххасал хъуну бур. Ва ишираша ливчуну махъ, Асланнун цамур ххуллий хъансса хIукму буну, связистьтурал группа ккаккан дурсса чIумуй аьркинсса кIанттайн биян буну бур. Ванал цимилагу укунсса иширттава аьралийтал ххасал буну бур.

ТIайлану хIукму бан ва му бартбигъин кIулсса аьралийчунал къучагъшиврун лавайсса къимат бивщуну, цимилагу лайкъ хъуну ур ПаччахIлугърал наградарттан. Талатавурттаву ккаккан дурсса чувшивурттахлу ванан дуллуну дур «Участнику специальной военной операции», «За боевые отличия» тIисса медальлу ва цаймигу наградартту.

Имара САИДОВА

Цуссалакрал райондалия Эбратансса къучагъ



ХIучI къакуну талай бур жула аьралийтал

Аьрасатнал аьралуннай бур Украиннал аьрщарай нанисса хасъсса аьралий операциялий ккаккан дурсса чувшиврухлу наградартту лайкъ дурсса вирттал. «За боевые отличия» медальданун лайкъ хъунни хушрай хасъсса аьралий операциялий гьуртту хъун лавгсса Цуссалакрал райондалийсса ЦуссачIуртташиял шяравасса Къурбаннуд арс Даци Оьмаров.

Ватандалуд мурадру буруччаврил ххуллийсса хIукму къамул буну бур ванал 2023 шинал апрель зуруй. Цанасса ппурттуву Даци ур «Маньч» тIисса артиллериялуд дивизиялу «Дон» тIисса разведкалуд ва штурмрал бригадалу аьралий бурж бартбигълай.

ХIакъину ва дивизиялуву къуллугъ буллай бур къизгинну талатавуртту нанисса кIантурдай гьуртту хъусса, жула билаятрайсса опыт бусса, гъунар ххишаласса аьралийтал. «Дон»

бригадалуд артиллеристьтурал жула аьралийтурайн гъужум бан хIадур бувсса ВСУ-рал боеприпасирттал кIива склад бухлаган буну, байшун буну бур хъунмасса хIаллай хIадур буллай бивкIсса душмантурал операция.

«Дон» батальондалуд цалчинминнавасса къучагъсса аьралийчу ур Даци Оьмаров. Херсонский областьрай хъусса талавурттаву ляличIисса къучагъшиву ва аьралийчунал профессионализм ккаккан даврихлу, лайкъ хъуну ур «Дон» бригадалуд командованиялуд чулухасса Барчаллагърал чагъарданун. ЗахIмат-жапасса иширттаву профессионализм ккаккан даврихлу ва къуллугърал бурж лажин кIялану биттур баврихлу Даци цимилагу наградарттан лайкъ хъуну ур.

Жула миллатрал къучагъсса арсру цIуллу баннав, дакIру ххарину зана хъуннав!

Имара САИДОВА

Т. Мурадовлуд цIанийсса Дагъусттаннал паччахIлугърал филармониялун СВО-рал гьурттучитуран буллалисса кумаграхлу Аьрасатнал Обороналуд министрствалуд чулухасса наградартту дуллунни.

Пашманшивугу хIаласса ххаришиву



Мукун Даггосфилармониялуд директорнал хъиривмур, жулва лаккудуш, Ккуллал шяравасса София Разуеван дуллунни «За содействие СВО» медаль. «За укрепление боевого содружества» медаль – филармониялуд солистка Макка МахIаммадован ва «Великая община» организациялуд каялувчи МахIаммад Мусаевлун.

Ва наградалия буслай, София укун тIий бур:

– ТIааьни жулва захIматран, хIарачатран къимат бишаву, ххарира жура дурмур итталун дагъаврия, амма ва ххаришиву ххарисса дакъар, пашманшиву, къумашиву ялтту дуклакисса дур. Чъясса муттайий дучIаннав ахир вай иширттал, аьралий операциягу къуртал хъуну, ватан ххаришиву паракъатсса аьрщарай, някIсса ссавнил лув дакI марцIну буллалисса захIматрайну чIалачIи дуллан багъаннав жунма.

Бадрижамал АБЛИЕВА

Виричунал ниттихъ Сапижатлухъ

На къалан бугъара вийн ссалам чичин,
Цукун бура учин,
чIалну бунугу.
Жуйма бив хъун бала
чIалан бивкIукун,
Лакку мазрай махъру ттун
къалявкъунни.

Пахрулуд дурцIуна, гъай-гъай,
ттул дакIгу,
ПаччахIнал Путиннул
шала дунгъаллийх
Сивсуну увкун
«На лаккучур»,
Мунияр лахъсса махъ
чув лякъайссия!

Цукун бура ина, яхI
ххисса нинуй,
«Че-Гевара» арсгу
чIарав акъаний?
Ссавур цукун дара,
арснал суратру
Зияратру хъуну ххал
хъанахъиний?

ЛухIи лархсса ниттий я
бавцIутари,

Ттуву мунил хатир
ссавруннайн бияй.
Шайссания жуша ниттин
кумаг бан,
Жула арсру булун,
«Нур-МахIаммад» тIий.

Тти багъишла бити,
ялттугу бучIу,
Жул ссалам чIалнугу,
жу вишалссару.
Ва дуллу-дунгъаллий
ина буссаксса,
Вийн икрам
къабансса къаикIантIиссар.

Ина жул дилмажра,
«дакъаврил нинуй»,
ЛухIи карши лирккун,
дъяви бацIан ба,
Чагъар чича циняв
халкъуннайн ина.
Украиннал халкъу
багъишла бити.

Ина увку махъру
балайлий чинну,
Вил цIуллушиврия
дуаь чичинну!

Мирза НУР

Ххувшаврил варистурал Парад

МахIачкьалалив лавайса даражалий хьунни «Ххувшаврил варистурал Парад». Ва хас дурну дия Шалагу Аьрасатнал оьрчIал жяматийса организацияртгал кьинилун, Бутгал кIантул цIанийсса Хьунмасса дьавилий Ххувшаву ларсун 81 шин шаврин ва Аьрасатнал Халкьуннал цашиврул шинан.

Парадрал лагма лаган бунни «Цалчинминнал Суккушиндарал» 5 азара инсан. Лениннул цIанийсса майданнив хьусса Парадрай гьуртту хьунни Дагьусттаннал 52 райондалиясса дуклаки оьрчIру ва активистал – амну 2,5 азара оьрчI. Кьюкьлуву бия хасьса аьралий операциялий жанну дуллуца аьралийтурал оьрчIру, «Академия Добра» АНО-лул, «#Мывместе» штабрал активистал, «Аьрасатнал орлята», юнармейцы, волонтертал, ххассалбувулт, поисковиктал. Бусравсса хьамаллуравух бия Дагьусттаннал Хикуматрал председателнаал хьиривчунан кIанайсса Муслим Телякавов, МахIачкьала шагьрудул бакIчи Жамбулат Салавов, ванал хьиривчутал ва м.ц.

Муслим Телякавовлул кIицI лавгунни Парадрал гьурттуцитал бюхттулсса Ххувшаврил варистал хьанахьшиву.

– Зуру дакIнийхтуну Ватандалуха аякьа дуллалими, буттахьал аьпа ябуллалими, гьунтийсса кьинилул хьар лархьми. Зул суккушиндарал кьюкьа гьантлия гьантлийн хьунна хьанай дур. Зу гьуртту хьанай буру Ватандалул вирттаварал аьпа ябаву мурадрайсса агьамсса давуртаву. Мунилгу жу хьуннасса вишшала дишин буллай буру жула билаятрал бучIантIимунийн, – увкунни ванал. «Цалчинминнал Суккушиндарал» председател Людмила Саидовал кIицI лавгунни Парад Суккушиндарал активистал хьушиву хьунабакьинсса, цала лайкьшивурттая ва ккаккьирттая бусансса, жула республикалул ляличIишиву,



яргшиву ккаккан дансса ишну. Гьурттуцитал бувкIун бия парадрайн миллатиртгал янналуву, мунийнугу чIяву миллатру бусса жула билаятрал ляличIисса колорит чIалай дия.

Хьинну асар хьунсса бия вирттаварал аьпалун кIяла хььиру итабавкьусса лахIза. Аьралий маршрахун колонна ларгунни шагьрудул агьаммур майданния Лениннул комсомолданул цIанийсса паркравун дияннин. Шикку аьралийчунал гьайкалдануцI тIугIивгу дирхьуну, минутрайсса пахь ба-

гьаву дунни. Ва кьинисса агьамсса ишну хьунни «Цалчинминнал Суккушиннаравун» активистал кьамул баву. ОьрчIал циявннал хььичI хьа бувну махь, каялувчитурал ва бусравсса хьамаллул Жамбулат Салавовлул, жагьилтурал иширтгал министр Камил Саэдовлул ва цайминал бавхIунни миннай галстукру. Хьирив ккаккан дунни оьрчIал коллективругу гьуртту хьусса концерт, бунни экскурсия Аьралий савлугьрал музейравун.

Анриана АьБДУЛЛАЕВА

Ххув хьусса ацIуннавух ур жуламагу

Майрал 23-ний Каспий-Скалий, Аьли Аьлиевлул цIанийсса спортрал чIалъакьатраву Дагьусттаннал ва АьсатIиннал лачIунбуккултрал матч хьунни. Ва хас дурну дия Дуниялул халкьуннал дянивсса лачIун буккавил кьинилун. Хьуннасса уттарашинна дия ва кьини спорткомплексраву увкуну кутIа бансса иш бакьая, ххюазара инсан лагайсса чIалъаь шап куну бувицIуну бия. Диялсса ажитаж дия.

ЧIявусса агьали ареналийн буххан кьавхьуну кьатIуввалывчIуна. ННТ-лул корреспондент Кьурбан РахIимовлул ккаккан дурна агьалинал ккучундалувах ареналийн ххулу ласласисса UFC-лул чемпион Ислам МахIачевлул видеосуратру. ЧIявусса халкь батIаврил ца савав, хьхьичI кьини Ярусаннал театрданул хьхьичIсса майданнив, командартгал дурсса пресс-конференциярт тIий бия спортрал комментатортал. Пресс-конференциялий гьуртту хьуссия бьст-ччаллил сакин-

шинначитал, тренертал, машгьурсса хьамал. Вайннавах цалчин Дагьусттаннай увкIсса, ххюйла Олимпий чемпион хьусса кубинец Михаин Лопес. Матчрайн увкIуна цамагу машгьурсса спортсмен, Олимпиадалий арцул медаль ларсьса UFC-лул талатала Йозель Ромеро. Тархьаншиврул жазиралиясса биолт бакьагу, бия цаймигу машгьурсса хьамал. Вайннан циявннан дакIний личIансса сувенирду дуллауна лачIун буккавил Федерациялул хьунама Оьмар Муртузьялиевлул ва спортрал министр (врио) Саждид Саждидовлул. Матчрай ххув хьуна Дагьусттаннал команда. Олимпий чемпионтурал Заур Угьевлул, Заурбек Сидиковлул ва Аьбулрашид Садулаевлул цал уттигу ккаккан бувна цивппа хьхьичIунми бушиву.

70 кило кIушиврул думиннал матчрай жула лаккучу Ибрагьим Ибрагьимовгу Давид Баевлушл лачIун увккун ххув хьуна.

АцIийла хьуна биолтрал данди буккаву, майра талатавариву

ххув хьуна дагьусттанлултал.

Ххув хьуми барча буллалисса шадлугь хьуна Каспийскалийсса ресторандалуву. Ххув хьусса командалун дуллауна 10 миллион кьуруш премиялул ва «Дусшиврул Кубок». Аланиянал командалунгу буллауна 5 миллион кьуруш. Вай барча буллай, Оьмар Муртузьялиевлул кIицI лавгуна, уттигьса бьст-ччаллий бахшиширтгал фонд хьун дувантIишиву. Ва цувагу бахшиш дакьа кьаливчIуна: Хасавюртул райондалул Адильотар шьраваллил вакилтурал меценатнан, шинал мугьалтту бувкьса шпурттуву бувсса кумаграхлу барчалагьран кьуттакьяпагу, варсигу пишкаш бувна. Укуннасса бахшишру дуллауна Аьрасатнал лачIун буккултрал Федерациялул (ФСБР) цалчинма вице-президент Арсен Фадзаевлулгу.

Ххув хьусса ацIуннавух жула Ибрагьим, Кьяннал шьравасса багдадура, Европанал чемпион ушиврия пахрулий, дакIнийхтуну барчагу улай, цIу-цIусса ххувшавуртту чIа тIий буру ванангу.

Патимат РАМАЗАНОВА



Цалчинсса спутникран — Муса Маннаровлул цIа

Дагьусттаннал паччахI-дугьрал университетраву дайдирахьуссар элмийсса проект «Каспий – Орбита» бартдигьаврил даву. Ванил гьанумур мурадгу республикалий цалчинсса дуккавил спутник хIасул бувавур.

«Манаров-1» цIа дирзсса ва аппаратрал кумаграцIух, Дагьусттаннал дуклаки оьрчIан космосрал технологияртташчал зунсса сант диКантIиссар.

Вузрал пресс-службалул кIицI лавгунни ва проект сийлийсса «КАК-2026» федерал конкурсрай ххув хьушиву ва «Космосрансса пишкартал» программалул лагрулий «Геоскан» тIисса компаниялулцал уртакьну бартдигьинтIишиву. Бувсунни ва проектрал республикалул дуклаки оьрчIру кIункIу бувантIишиву аьламрал караматсса дуняйлийн, элмийсса хьиривляявуртту дуллан, космосрал ва Аьршарал хIакьиравусса кIулшивуртту куртIгу, цIакьгу дуллан.

Космический аппаратрал бияла мьайжаннугу кьачIивисса бур: хьхьирил жамирдал хьирив бацIангума хьунтIий бур, мукунма географиялул, геоинформатикалул ва экологиялул хьиривляявуртту дуллан. Проектрал агьаммур даву ва хьхьичIуншиву хьунтIий дур Совет Союзрал Виричунал ва Дагьусттаннал цалчинма космонавт Муса Маннаровлул ца дирзсса аппарат хIасул даву.

Проектрал дайдихьугу хас дурну дур кIира агьамсса дата-лул: ДГУ-лун 95 шин шаврин ва

космонавтнан цаннагу 75 шин шаврин.

Мероприятие тIитIлатIисса шадлугьрай ректор Муртузьяли Рабадановлул кицI лавгунни, шала региондалул тарихраву личIансса даврил дайдихьу дуршиву.

«ХIакьину жува буниялт-тунгу тарихрал цIусса лажин дайдирахьуссар Дагьусттаннал цалчинмур образовательный спутникран ххулулу буллуца. Жула машгьурсса космонавтнал цIа дирзсса ва проектрал масштабгу хьунмассар, кIира шинал мутталай зунтIиссар ваныха. Университетрал юбилейрангу мяьна куртIисса бахшишири, Муса Маннаровлул хIурматту лахьну бушиву ккаккан буллалисса давур», – увкунни ректорнал.

«Манаров-1» спутникрал образованиялул, элмулул ва ларайсса технологиярттал дянивсса дахIавугу цIакь дувантIий дур.

Экологиялул институтрал директор Зарема Солтанмуратовалгу кицI лавгунни «Каспий- Орбиталул» лахьхьин буллалисса программарду чIярусса ва личIи-личIисса душиву, миннуя биялсса мюнпатту бикIантишиву. Программалуву дур БПЛА-дашчалсса ва 3D принтердашчалсса даву. Гьаннайсса, жагьилсса инсантуран ларайсса технологиярттал дуняйлийн цанмасса кIану лякьинсса ва бучIантIимуниву бутIа бишинсса кабакьу вансса даву хьанай дур.

Патимат РАМАЗАНОВА

Ислам МахIачев августрай бьст-ччаллий уккан бюхъайссар

UFC-лул чемпион Ислам МахIачевлул бувсунни цува бьст-ччаллий та уккан най уссарив.

«КIулли августрай данди уккантIишиву. Амма щичаллив уттигу мьайжан бувну бакьассар. Навама хIадурну ура бьст-ччаллий уккан», – увкунни ванал журналист Вячеслав Аьбдуссамовлухь.

Апрельданий спорттрая бусласисса СМИ-лул ва порталлал бувсуна МахIачев Ирландиянал боец Иэн Гэрришал данди уккан

бюхъайшиву ва бияву августрай Филадельфиянаву UFC 330-лий хьунтIишиву.

Ци-бухьурчагу, жула багдадура щичал майданнив уккарчангу, Чемпионнал ттугь гьаз бувантIишиврийн вихну буру.

ДакIнин бутанну, МахIачев ларгьса шинал ноябрьданий Австралиянал Джек Дела Маддаленашчал ччаллий увккун, ххув хьушиву ва дянивсса кIушиврийгу чемпионнал цIа ларшиву.

Патимат РАМАЗАНОВА

Подписка — 2026

Къадру-къиматрай

«Илчилул» гъарцагу багъу-бизулуву, мюх-тажшин ххишаласса иширттаву, миллатрал кказитрал сий дуруччаврил цаний мудангу ч'арах бац'ан х'адурсса, бац'лац'исса чувтал, чумартлувтал тач'аввагу чан бакъар. Гъашинугу, «Илчилул» подпискалул ч'умал, ч'арав бавц'унни биалсса дустал.

«Илчилул» редакциялул ц'аниятугу, цинявппагу буккултрал ц'аниятугу жу хъунмасса къадру-къиматрай ва барчаллагърай к'иц' лаглай буру ва бусравсса къюкълувасса вакилтурал ц'арду.

Абакаров Жабир
Абакаров Мах'аммад
Абакаров Рамазан
Адамов Абдурах'ман
Айдаев Мах'аммад
Амуттинов Артур
Абдуллаев Сапарбаг
Абдурах'манова Пат'имат
Авлиев Х'асан
Авлиев Х'усман-Х'ажи
Авлиева Зарема
Багъдоева Белла
Бадруттинов Саид-Апанни
Беков Растиван
Буттаева Сарбижамал
Давдиев Камил
Илиясов Марат
Исрапилов Артур
Исякьова Валида
Къардашов Сиражуттин
Къушиев Рамазан
Къаландарова Мариан
Къурбанов Мах'аммад
Мамаева Динара
Мах'аммадов Абли
Мах'аммадов Багъауттин
Мах'аммадова Пат'имат
Мах'ачева Зайнаб
Муршиева Гульнара
Наилов Омарх'ажи
Садикьова Пат'имат
Сулайманов Рамазан
Х'ажимах'аммадов Энгельс
Х'ажимирзаев Зиябуттин
Х'асан-Х'усайнов Расул
Х'усайнов Арсен
Х'усайнова Сабина
Хасиева Гульшан
Цаххаева Х'адижат
Цинпаев Имран
Шайхалиев Астемир

**Ххирасса
«Илчилул» буккулт!****ЧИЧАРА ККАЗИТ**

Оксана Х'усайнова. ш. Ккул

ХХИРАССА ЛАК!

Л'ахъх'ияра, ишла буллалияра жула миллатрал ххазинану хъанах'исса бюхттулсса лакку маз. К'улну бик'ияра, маз бакъах'урча, миллатгу бакъашиву, маз миллатрал гъану хъанах'ишиву.

Му гъанулий лакрал тарихрал, маданиятрал, багъу-бизулул бюрнардай бац'ан бувсса к'алану бавх'усса ххазинарттава, ца яла чара бакъамурну хъанах'иссар миллатрал «Илчи» кказитгу. Зулгу, жулгу бишлашиссар ябуцан бан къашайсса цавай туннурду. Миллатрал лишанну х'усса «Илчи» кказитрал ч'арав бавц'уну, ккаккан дан хъунт'иссар Ватандалухсса ва миллатрахсса ччаву.

ХХИРАССА БУККУЛТ!

«Илчи» дак'и т'ирт'усса, маслих'атру барчаллагърай къамул буллалисса зул дусри. Мук'руну буру ялунч'ингу хъунабак'инссару ва жула дус-ихтивартурал къюкъя ялунгу ххи ххунсса умудрайгу буру.

Баян буллай буру най душиву к'илчинмур дак'и шинайсса «Илчилул» подписка!

Федерал почталлийх:

дак'и шинайсса – 552 къ. . зуруйсса – 92 къ.

Даггосиздатрайх:

дак'и шинайсса – 252 къ. зуруйсса – 42 къ.

«Почта России» сайтрайхчин:

<https://podpiska.pochta.ru/press/P7046>

дак'и шинайсса – 552 къ. зуруйсса – 92 къ.

Цүхху-бусу

Газ буцаврил зана бувантиссарив лак зунттавун?

Тунна кIулши хьуния шиннай, лагъ хьусса ххай бакъара лакрал дянив Лаккуй газ бакъашиврул темалул аваза. Хасну на навагу цимилагу буллуссар пресс-конференциярттай газралсса буллалминнахьхьун: «Циванни ва танинни Лакку билаят, апа биву, ххаллилсса шаэр ХIасан КIуруховлул уккуса куцуй, «газрал блокадалу» бикIан аьркинсса?» тIисса суал. Махъ ппурттуву ва масталалул хьит уккунни, Лаккуй газ буцинтIишиву баян бунни республикалул ХIукуматрал. Амма, газ буцаврийну Лаккуй кьулайшинна хьурчангу, лак зунттавун зана кьахьунтIиссар тIисса бяст-ччаллисса ихтилатругу бур. Цавай ссавер дакьа ялугьлай бур газ биянни, вайми тIурча, Лакку билаят му чIумалгу цулагантIишиврийн вихшала дакьа бур. Ттуннив мударангу ччан бикIай вичIи дини укун тIутIиминнахгу, тукун тIутIиминнахгу. Буса-учаймунил хIасиллу зура дуван вичIи дишара зугу.

Кьурбанабли БахIандов:

– Газ – цивилизацияр, газ буцаврийну бигъашивуртту хьунтIиссар. Тасса-ганийнни лак бярал цIарай пачру лахьлан аьркинсса ягу чIярусса арцу ттукIран харж дуллан аьркинсса? Амма, газ буцаврийну цамур дунияллийн буккансса тамахIмур нахIакьданссар. Хасьсса захIматшивуртту газрацIун дархIуссагу дуссар. Ва ялагу, зунттал шяраваллавун зана бикIаву – ичIаллил кьулайшиннардая махъаллил шавур, даву дакьа личIансса нигьри ва

ххуйсса медицина дакьашивур. Укунсса кIанайн кIункIу хьунмигу нажагьссар, ттул пикрилий.

Расул Аьлиев:

– Медицина Лаккуй шагьрурдаинияр кьалувссар. Ялунгума Лаккуйми хIакинтал ххишалану дакI цIуцIаврий бургайссар. Мьяйжанссар, узи бишин, КТ, МРТ дуван шагьрурдаин бачин багьай. Азарханардай уттизанманнул оборудование, техника цIа дансса даражалий дузалну дакьассар. Ковид ппив хьусса ппурттуву, агьалинал биалсса хIарачат бувна. Гьумуксса азарханалийнмагу МРТ дайсса ца аппарат тIалав бувансса тавакьюрду дулла, амма пайда кьавхьуна. Цуппа аппарат хьинну ххирасса бушивруцIун, цаймигу багьантту хьхьичIун бугьуна, гьаннайсса, чара бакъашиву дакьар уккуну, кьуккин бувна.

Газмур биян аьркинниха Лаккуйну та-бунугу. Лакран коммунизм кьадиркIун дур, демократиялул хIахIвагу хIалалссархха.

Аьбдуллагь МахIаммадов:

– Газ буцаву – му хьунмасса неьматри, амма жула агьалинал шяраваллу кьаритлатаврил савав газ бакъашиву дакьарча, шагьрурдайсса бигьасса оьрмур. Хьинну чансса бур зунттавун зана хьанакьхьисса кулпатру. Хьуни шагьрурдаин, Европанавун кIункIу тIий бур, ххуйсса оьрмулул хьирив.

Дауд Закаръев:

– Гьарца лакку инсан Лаккуй газ буцаврийну икIан аьркинссар. Жула чIаххул жуярва аькь-

лу бакъасса бакъассар, Дагьусттаннал чIярусса районнай бувцунни газ махъсса шиннардий. Жувагурухха Дагьусттан агьлу.

ХIажимурад Исъяев:

– Буниялттунгу, хьинну ххуйсса суал бур. Ттул пикрилий, лакрал шяраваллан хьинну кумаг хьунссия му газ буцаврия. Яла чанну жушавагу хьунссия му газрай вайми даргиял, яруссаннал кунма, зунттаву теплицарду бувну, миннуга мюнпат ласлан. ЧIярусса яруссаннал, даргиял шяраваллу ми теплицардал цIу дуккан дуллайд дайдирихьунни. Мукунма ризкьилуха зузиссаннан, кьатта-кьушлингу какумаг хьунтIиссар. Амма, жула Куллал райондалийн буцирчагу газ, хасну жулмур шяравун, Цалчинмур ЦIувкIрав, буцин захIмат хьунссар тIисса хавар бия. Хьинну хьунмасса подъем дуну, насосный станция буван аьркин хьанай бур ламух, жул шяравалинсса. ЖучIан бюхьай я махъва-махъ буцин, ягу бувагу кьабуцин.

Разият МахIаммадова:

– Электрический котеллал кIану газралминнул бугьаврийну агьалинан бюджетрангу хайрссар. «ХьхьинякI чуччиялия» мюнпат хьунмассар гьарзат хIасавравун ларсун. Килпит канил дугь, лахьи – гьилишиву, тIааьншиву, бигъашиву. Гьайгьай, газрайн аьдат бакъасса агьалинан цал мюхчаншиврул техникалул инструктаж аьркинссар. Лахьхьин бантIиссар газрал кьуллугьрал зузалтрал гьарминнангу цукун лахьан, лещан аьркинссарив газ, цукун бу-

рувчуну бикIан аьркинссарив.

Ттул буттарссу ялугьлай дуссар, газгу бувцуну шаппай, газрал пачгу лавхьуну, дукра дуллаллисса чIун дучIаврих. Бярал, хьуручIул пачурди-ха зузиминнал, ми лахьлай, лах бичлай, кIуврацIа марцI буллай харж дуллаллисса чIун ичIаллил цайми кьайгьурдан харж дувантIиссар.

Ризван Мусиев:

– КьурукIинттул электроприборду лахьлай, ттукI биал кьахьанай, лешлай, шяраваллал агьали азурдану бикIай. Лаккуйсса кIугу дяркьусса дикIайхха. Хаснува хьатIал чIумал цинявннал архIал ттукIрай пачру лахьайхту, напжение лахь хьуну, ттукIрал ххаллу кIири дичлай, хIатта цIу ларчIсса ишругума шай. Газ буцайхту, электриктурансса даву, бакIуцIавугу чан хьунтIиссар. Агьалигу бигьалагантIиссар.

АьбдурахIман АхIмадов:

– ХIакьину мукунсса технологияртту дур, газ бувагу бакъанийгу, ттукIрал кумаграцIух ичIура ччимур журалул кьулайшиннардуну дуван хьанай бур. Ччарча поллу гьили дувайсса даву дуван, ччарча отопление, ччарча ххуйсса хIаммамру буван. Шагьрурдаинияр кьулайсса шартIру, бигъашивуртту дурсса кулпатругу бур. Амма инсантал Лаккуй зана шаврил лябукку бакъар. БикIанссахайгу аькара.

Муслимат Шамхалова:

– Кьабардин-Балкьариянал кIанугу бачIи зунттахьри бусса. Сайки шала регион газрал дузал дурну дуссар. Эльбрус

зунтту чIангума дуссар газопровод. Ххуйсса курортру бурхха Эльбрусрал ухнилу. Баксан неххал ялтту газ бувцуну бур. Тикку туристтурахь буслай бия, неххал ялтту ламу кунма чIалачIисса, хьахьисса рангирал конструкция – газ бувцусса турбарду бушиву. Гьаннайсса, бюхьу бусса инженертал, проектировщиктал ва строительтал буний, ххуйсса техника дуний, газгу буссар. Газ буний, туризмгу тIутIайх дичлачиссар.

Мурад Оьмаров:

– Газ буцаврийну Лакку билаят цIу лагаврил дайдихьу хьунтIиссар. Чара бакьа. Инсантал шагьрурда чунчу куну бур. МарцIсса гьава буний, аьлагьужа чанний яхьанан ччай бур. ОьрчIру шяраваллил кIанттай тарбия хьуну ччисса ппухьлу ттул лагма-ялттуминнаву чансса бакьар. Шяравумур тарбия личIиссар, итталуссар. Менталитет ядан ччиссагу бур. Тава-тагу инсантал шацI хьунтIиссар шагьрурдал аваралия, хIала-ккала дурхьсса культуралия, цивпна ци миллатралливу кьакулуну яхьанакьхьисса оьрмулия. ЧантI уккуну, миллатрал мазгу, культурагу, колоритту яданну куну, бизлантIиссар зунттавунмай.

Майсарат Аьлилова:

– Газ – гьилисса ужагьри. Агана паччахIлугь хIадурну духьурча, жула ужагьирттан гьилишиву дулун, жувагу ххарину хьхьичIунмай хьун аьркинссару. Хьирив буклан аьркинссару. Лакку билаят цIу лаган буван кьахьурча, газ буцаврийну, бумивагу ябансса кабакуну хьунтIиссар. Щин кIулссар? Гьай-балики, цIу дуклан шяраваллугу. ЧIумул ккаккан буванссар. Ттул хьул ххуймунийнни.

**ЦIувхьуссар
Патимат РАМАЗАНОВА**

Шаэртуран хас дурсса фестиваль

Вай гьантрай республикаллий дайдирихьунни Дагьусттаннал поэзиялун хас дурсса Дунияллул халкьуннал дянивсса литературалул фестиваль «Истоки».

Ваний гьуртту хьанай бур Москвалиясса, Якутиянавасса, Белоруссиянавасса, Гуржистаннаясса ва чIаххувсса регионаясса хьамал: чичулт, таржумачитал, критиктал, литературоведтал.

БувкIсса хьамаллуран гьарал саванну МахIачкьалалив экскурсия буван кьавхьунни, Литературалул музейраву «Халкьуннал цашиву-литературалулгу цашиву» тIисса цIанилу ккуркки стол бунни.

Аьдатрайн бувну, фестиваль дайдирихьунни майрал 18-нийн халкьуннал шаэр Сулайман Стальскийл цIанийсса паркраву шаэрнал гьайкалдануцI тIутIив дишаврийну. Тиккура, Яруссаннал театрдануцIа, хьунни байрандалул шадлугь.

«Дагьусттан цашиврул тема мударангу литературалулугу агьамурну диркIссар. Дагьусттаннал цалчинми шаэрурал – Ятин Аминнул, Ирчи Кьазахьлул, ХIамзат ЦIадассал, Анхил Мариннул, Кахаб-Росолиясса МахIмудлул, АбуТалиб Гьапурулул ва Сулайман Стальскийл литературалул цIакьсса гьану



бивзссар. Жунма лахьхьин бувссар хьуниминнал хIурмат буван, заьманал чул буьан, ччайлул кьымат буван. Ва, яла-яларив, хьхьичIун бурувгуну, аькьилшиврий кьуцуну тIун, жулагу цашивруву бушиву бувчIин буван», – уккунни культуралул министр (врио) Зарема Буттаевал.

Дагьусттаннал Чичултрал союзрал председател Марина АхIмадовал (Колубакина) кIицI лавгунни, дагьусттаннал поэзиялул гьану бивзминнал цала творчестволулу халкьуннал дусшиврул ва хьиншиврул, хьинбалдарал темалул кьулагьас диркIшиву.

Хьирив кьини фестиваль-данийн бувкIири Сулайман Стальскийл бутгал шяраву Ашагьа-Сталлай литературалул вечерданий гьуртту хьунни.

Фестивальданул программалий дур Дагьусттаннал цал-

чинми шаэртуран хас бивсса семинарду, поэзиялул вечерду. Фестиваль кьуртал дувантIиссар Дагьусттаннал шаэрурал ва хьамаллулал Дарбантлив Нарын-Кьалалий назмурду ккалакьаврийну.

Патимат РАМАЗАНОВА

«Илчилул» календарь Ва зуруй бувссар:

Июнь зурул 1-нний 1954 шинал увссар шаэр, публицист **Хиасан КИрухов.**

Июнь зурул 4-нний 1971 шинал бувссар ДР-лул культуралул министр **Зарема Буттаева.**

Июнь зурул 4-нний бувссар Дагъусттаннал Т. Мурадовул цанийсса филармониялул хъунаманал хъиривмур **София Разуева.**

НОВЫЕ УСЛОВИЯ ДО 31 МАРТА

2 млн руб. – от ИД через Полк резерва

Единовременная выплата

2,5-2,9 млн Р*Зарплата
от 210 тыс Р

400 т.р. – РФ, от 100 до 500 т.р. – от муниципалитета

117 фед.
номерПункт отбора по ИД
8 (989) 484-69-95

Контрактрайну аьралуннаву къуллугъ буллан къамул буллай бур

Контракт чирчусса республикалул ялапарлувтуран дулай-ссар 1 млн къуруш цархIал:

500 000 къуруш – Дагъусттан Республикалул чулухату;

400 000 къуруш – федерал бюджетравату (гъашину августрал 1-нния 31-ннийнин контракт чирчуминнан);

100 000 къурушраяр къачансса – шагъурдал ва районнал чулухату.

Контрактникнал харж – 210 азарда къуруш зуруй.

СОЦИАЛ ХIАЛЛИХШИННУ ВА ГАРАНТИЯРТТУ:

- бюхълай бур чяни къатри ласун Аьрасатнал Обороналул министерствалул счетрайну накопительно-ипотечный системалихчил;

- къуллугърал къатри дулайссар ягу лаякъатрахлу лахъаву (компенсация) дайссар;

- Аьралуннал медициналул азарханалий укв ххал увайссар, хъин айссар ва реабилитациялий итайссар;

- Федерал бюджетрал счетрайну оьрмулул ва цулу-сагъшиврул страхование дайссар;

- 20 шинайсса къуллугъ буну махъ хIаллихшиндарал (льготная) пенсиялийн уккайссар;

- талатаврил иширттал ветераннал статусгу, муни хасъсса хIаллихшиннугу ккаккан дайссар;

- Аьрасатнал Федерациялул субъектирдал цал дулайссар ялун ххи дурсса арцу (единые дополнительные выплаты) ва гарантиартту контрактрайну къуллугъ буллалиминнан;

- кредитрал ва налогирттал каникуллу;

- оьрчIру вузирдаву дуклаки буллансса бюджетрал КIантурду;

- контрактниктуран ябайссар цивппа зий бивкIсса зузи КIантурду;

- оьрчIру укв бигъалаган тIайла буккайссар цулулушиву цаь дайсса гъинтнил лагердайн.

Аьралуннаву къуллугъ буллан язи бугъайсса КIантурду зий бур жула циняв шагъурдай ва районнай.

Дагъусттаннай мукусса КIану: **8(989) 484- 69- 95**

ДР-лул Военкомат: **8(8722) 68-16-08**

Баян

Июндадул 2-нний ссят 15:00 Энергетикалул колледжраву хъунтIиссар 1932-ку шинал Каспийскалийсса заводрал стройкалий ВКП-лул хIукмулийн буну, сакин дурсса партиялул организациялул бакIчину ивкIсса **Загъиди Феодаевлул** аьпалул мажлис ва ванал оьрмулия бусласисса луттирал презентация.

ш. Каспийск, Алферовлул цанийсса КIичIира № 2

БАРЧА УЛЛАЙ БУРУ

Майрал 28-нний ГъунчIу-къатIрал шяравасса **Аьбдуллаев МахIаммад СилахIуттиннул арснан** 85 шин хъанай дур!

МахIаммад ур Дагъусттаннай шампанское дуллай байбихъу-миннавасса ца, цаллагу хъинну агъамсса гъурттушин дурсса му давриву.

Ванал бувккуну бур Краснодардайсса Политехнический институт, хъиривгу – Пищевой промышленностьрал институт. 1973 шинай шийнай зий ивкIун ур Дарбантулал шампанское дайсса заводрай. 1982 шинал МахIаммадлул каялувшиндарай заводрай итадаркъуну дур Советское шампанскоелул цалчинсса шуша.

МахIаммадлул ва заводрай зий 45 шин дурну дур. Миннува тамансса шинну хъуну дур заводрал хъунама технологну, директорнал хъиривчуну. Заводрай зузисаксса хIаллай МахIаммадлул ккаккан буну бур, цуксса лахъ-



сса даражалул специалистгу, даврил сакиншинначигу цува уссарив.

МахIаммад ГъунчIу-къатIрал жяматрал иширттаву хъинну хъхъичIунсса гъурттуцигу ур. ЦIана ва ур ГъунчIу-къатIрал жяматрал Хъунисриннал советрал хъунама ва ванал мукъух цинявгу хъинну мюхтажну бикIайссар.

Цалва кулпат Изумрудлул-шал МахIаммадлул, хъунигу буну, чивун буккан бунни КIия ххалилсса арс ва ца душ, бур оьрчIал оьрчIру. Ва ур цала хIарачатрайну, даврий икIу, маьча-гъаннал ва гъалмахтурал дянив икIу, хъунмасса хIурматран лайкъ хъусса инсан. Ванайн цинявнналагу ххисшала дакъа хъуннасса вихшала дикIай.

МахIаммад ур «Дагъусттаннал промышленностьрал лайкъ хъусса зузала», «Буттал КIанттухсса ччаврихлу» тIисса медаль ларъсса инсан, захIматрал ветеран, чIарур грамотартту, барчаллагърал чагъарду.

Юбилейгу барча дуллай, чIа тIий буру МахIаммадлул цIакъсса цулулушиву, даКIийсса мурадру шаллу шаву. Кулпатралгу, оьрчIалгу, оьрчIал оьрчIалгу мудангу ххари уллай итаннав!

Зиябуттин ХIАЖИМИРЗАЕВ,
Дагъусттаннал лайкъ хъусса
строитель

«Жулами»: верстальщикнал даврия журналистикалул лахъазаннайн



Арсен Юсупов ттун ччя-Аниыва КIулли. Ца цехравассару учирчангу, тIайлассар – КIиягу кказитирттал верстка дуллалисса даврия байбихъу-ссару. Ванал издательствалул даврил шачIантту бивтссар лувва-лувмуния яла лахъмур даражалийн иянин. Ва ххулу битавривур ванал къуватгу: **Арсенун ххуйну КIулссар кказитрал даврил мухIлу-хIин, КIулссар соцсетирдайсса постралмур хIалкъазиягу, цалчинмур хIарпирая тIайла хъуну, текст дунияллийн букканнин. КIулссар передача хIасул, сакин дуваврил къюлтIшивурттугу.**

Гъаннайсса, Арсен жуламар, журналисттурал ккурунналувассар. Ванан редакциялул цуцIикIантту цумирив, кказитирттал зузалтрал, телевидениялул, радиолул ва электрон СМИ-лул зузалтрал цуми масъалартту хъхъичIун ласун аьркинссарив бувчIин буллан къабагъай. Ванан ми циняв къювусса масъалартту хъинну ххуйну КIулну бушивруцIун, иширайну кумаг бунан, хъхъичIун лавъсса масъалартту сантирай бартбигъин хIарачат буллайгу ур. Чичлачиминнал, бусласиминнал чIарав ацIан, харжру лахъбансса чараннах луглай ур, даКI

даву тикрал дуллалисса къуллугъирттая мурахас буллай, редакция ца КIанай къабавцIуну, бюхъу-хъитлий шуруншиврунсса ххуллурду ккаккан буллай, салкъи хъусса опытгу, къуватгу, махънин шун дурсса арцугу агъалинан интерес бизансса контентрайн ва зузалтран кумагран тIайла дуллай.

Ялагу хъинну агъамсса, хIисавравун ласунсса КIану: Арсен – халкъуннал культуралул ва миллагирттал мазурдил буруккинттарайсса инсанни. Ванан КIулли, агар жува ми къиматрайсса ххазинардацIа къурча, жула медиапространствагу жан-даКI дакъа личIантIишиву ва уникальностьрацIа махIрум хъунтIишиву.

Утти ванаву хасну ххуй дизайми хасиятирттая. Ва хъинну даКI тIиртIусса каялувчи ур. Ванан ххирар мюрш ивкIун, гъармунил вив ухлан, ссаву ци буссарив КIул буллан, хъирив лаллан. Багъандаран, учиннуча «для галочки» царагу давриха зун къаикIай. Дуллалисса даву мудангу куртIну вив увххун, мудангу бюхъу-бажар буну дувай. Цувагу идеярттал генераторди, мудангу цу-цIусса пикрирду буслан икIай, СМИ-лул даврил майдан гъарза-гъарта буваврил ххулийсса ва даву аьлтта чIаланну хъхъичIуннай хъит учин дуваву мурадрайсса. Ва ялагу: буллусса махъ бацIан бувай. Вагу нажагъсса хасиятри.

Командалиягу личIину цаКIива махъ учинна. Арсенун КIулли цала лага лаган бунан так профессионалтал бакъагу, марцIсса, яхI-намус бусса инсантал. Лидертал бухъурчагу, аьмсса бурхIулттуву цаннацIунца бавкъуну зун КIулсса. Укунсса даражалий зузисса чIумалли, аьмсса мурадру ва масъалартту сантирай ва лябукулий дузал хъанахъиссагу. Ванал чIарав шинчIав цува чIивисса бурману чIалан къаикIайча, цинявгу гъурттусса тIайлабацIуллул соавторну чIалан икIай.

Руслан КЪАРДАШОВ

Цусса отделениягу, цусса каялувчигу

Уттигъанну МахIачкъалал клиникалул азарханалул (хъхъичIвасса Портрал азархана) травматологиялул ва ортопедиялул отделениялий хъунни цусса ларайсса технологиярттал операциялул блок тIитIлатIисса шадлугърайсса батIаву.

Ваний гуртту хъунни Дагъусттан Республикалул цуллу-сагъшиву дуручаврил министрнал цалчинма хъиривчув Наби Кураев, Росздравнадзорданул кIанттул органдалул каялувчи Тамирлан МухIаммадов, МахIачкъала шагърулул бакIчинал хъиривмур Эмилия Раджабова, шагърулул администрациялул Муниципал къуллугърал ва кадрардал управлениялул начальник Зарема Давудова, ДГМУ-лул факультетский терапиялул кафедралул заведующий Наби Чамсугдинов, «Целитель» клиникарттал каялувчи Шихамир МахIаммадов ва чIявусса цаймигу.

МахIачкъалалал клиникалул азарханалул хъунама хIакинну ур жула лаккучув, Ккуллал шяравасса Къурбаннул арс АхIмад Аблиев. МахIачкъала шагърулул бакIчи Жамбулат Салавовлул чулуха ванан цуллу-сагъшиву дуручаву хъхъичIуннай даврихлу буллунни Барчаллагърал чагъар.

Цуну тIивтIусса блокряя шярарив АхIмад кун тIий ур:

– Ларгсса шинал жул азарханалул базалий бивхъуссар травматологиялул ва ортопедиялул профильданул 10 тах (койка). Гара шинал жу хъхъичIунну



шалу дурссар федерал бюджетрава ларайсса технологиялул медициналул кумаг баврил 100 квота. Цуну тIивтIусса ттизаманнул операциялул блокряяну тIурча жуша хъунтIиссар буллалисса операциярттал спектр гъарта-гъарза дуван, мугу, так жулла республикалул инсантуран бакъача, цайми регионнаяминнангу. Цусса операциялул блокраву бюхъантIиссар цал архIал кIива захIатсса, ларайсса технологиярттал протезированиялийн, герниопластикалийн ва аьмсса хирургиялийн багърайсса операцияртту буван, – увкунни АхIмад Аблиевлул.

Операциялул блокрал проект дурну дур СанПиНрал (санитарно-эпидемиологические правила и нормы) ттизаманнул циняв стандартругу хIисавравун ларсун. Ванил ар-

сеналдануву дур артроскопиялул эндоскопический стойка, тазобедренный ва никирал суставирттансса протезирттал ттизаманнул оборудование, гужирал системартту, дефибриляторду ва чIяву функцияртту бусса операциялул столлу. Клиникалул ляличIисса пахруну бур С-дуга рентгендалул аппарат, цилгу чансса облечение дувайсса ва ляличIисса къяйдалий (малоинвазивный метод БИОС) муххал конструкцияртту дишин бюхъайсса. Бур мукунма ттизаманнул къай-къуйлул шалу бувсса, операциялия махъ къашайшала цайна цува учIаннин итайсса палата.

Шиккува кIицI лаган, ва клиникалийсса травматологиялул ва ортопедиялул отделениялул хъунаманугу ивту ур жуна чIявуссаннан кIулсса, цIа дурксса хирург-ортопед Губулов Юсуп МахIмудлул арс.

Цусса операциялул блок тIитIлатIисса шадлугъ балайрдайнугу ва къавтIавурттайну чIюлу дунни творчестволул коллективирттал. Ахирданий цинявпапу лагма лавгунни пуркIу-цIарай бувсса пулав ва цаймигу дукрарду дусса ссупралух.

Ва макъала кказитрай дуканнин, цусса операциялул блокраву цалчинминнавухсса къашайшалтрай операция бувунни жува кIицI увсса Юсуп Губуловлул.

МахIачкъалалал клиникалул азархана хъанахъиссар жулла республикалийсса медициналул идарарттаву буссавагу ца федерал даражалул клиника. Шикку тти цуну тIивтIусса операциялул блоку хъанахъиссар АхIмад Къурбановичлул дуллалисса чIярусса давурттавацца каннил хIасилну.

Бадрижамал АБЛИЕВА

Дяъвилун хас дурсса назмурду

МахIачкъалалив, Регионалул нефтегазовый колледжраву хъунни Буттал кIанттул цIанийсса Хъунмасса дяъвиллий Ххувшаву ларсун 81 шаврин хас дурсса, «Мы о войне стихами говорим» тIисса, колледжрал студентьтурал дянивсса пасихIну шеъррду буккавил конкурс.

Ваний гуртту хъунни 1-ми ва 2-ми курсирдал студентьтал. Вайннан кымат бишлай бия ораторшиврул искусствалул тренер, МахIачкъала шагърулул Депутатьтурал МажлисрачIисса Жагъилтурал парламентарал депутат Наиб КъурбанмахIаммадов председателъсса жюри. Миннаву бияв нагу, «Илчи» кказитрал отделданул редактор Андриана Абдуллаева, Дагъусттаннал халкъуннал артист, Аьрасатнал Чичултрал союзрал вакил, «Сердце отдаю детям» тIисса конкурсерал лауреат Владимир Мешерингу, Ярагъуннил гужирдал ветеран, аьраллий иширттал гурттуци, полковник Нураттин Амирхановгу. Мероприятие дачин дурну бия колледжрал директорнал хъиривмур Жамиля Каримова. Ва бия конкурсерал сакиншинначигу. Конкурс дайдишин хъхъичI оьрчIашал ихтилат бунни Владимир Мешериннул. Хъирив конкурсерал гурттуцитурал бувккунни Буттал кIанттул цIанийсса Хъунмасса дяъвилухасса, жула халкъуннал



чувшиврухасса, Ленинградулал блокадалухасса Э.Асадовлул, К.Симоновлул, А.Твардовскийл ва м.ц. шеъррду.

Жюрилул кымат бишлай бия пасихIну, бюхханну буккавил, усттаршиврун, сахIналул культуралул ва творчестволул чулуха хIал кIулшиврун.

Жюрилул хIасиллу даннин Жамиля Рамазановнал дунни Буттал кIанттул цIанийсса Хъунмасса дяъвилул тарих кIулшиву ххал дуллалисса викторина. Мунивух хIала хъунни мероприятиялул циняв гурттуцитал. Владимир Мешериннул ккаккан бунни ораторшиврул гъунарданул къюлтIшивурттая ва художествалул декламациялул техникалия булласисса мастер-класс. Бувккунни шеъррду.

ХъхъичIунсса кIанттурду бувгъусса оьрчIан диплому, тама-



шачитурал язи бувгъуминнан Барчаллагърал чагъарду буллунни Нураттин АхIмадхановлул ва

Наиб КъурбанмахIаммадовлул. Мероприятиялул программа дия яргсса, авадансса. Му къур-

тал хъуну махъ риршунни циняв гурттуцитал бавцIусса сурат.

Андриана АБДУЛЛАЕВА



К Году единства народов России

С любовью к родной земле

Авторский концерт

Магадова Омара Нухжадиевша

2 июня 2026, в 19:00
в Государственном
Кумыкском музыкально-
драматическом театре
им. Алим-Паши Салаватова

композитора, музыканта, певца,
заслуженного артиста, отличника
образования РД и почётного
работника общего образования РФ

Мажлис бачин бантиссар Дагъусттаннал культуралул лайкь хьусса зузала Супиян Оьмаровлул

Гьар шинах кунма, гьашину-гу МахIачкьалалив хIайван биххан ччинан кумагрансса кIантту ккаккан бунни: Ися идавсил (аь.с) РувхIанийсса центрданул район, дучрал спортрал клуб «Зебра» бусса кIанайсса Красноярская тIисса кIичIиравалу, Цусса Хушет микрорайондалийсса ХIажиевлул цIанийсса кIичIиравалу ва Редукторный поселокрай Лаптевалийсса дикIул комбинатрал майдан. Вайва кIантурдай ятту бакьинсса кIанттугу хIадур бувну бикIантIиссар, чапарду дурну, мукунма машинарттал парковкартансагу. БикIантIиссар ятту-гьаттарал вихссака, ххиличIурду ххиланса машинарттугу. ХIачIайсса шингу ва биххулун аьркинсса шингу ххилантIиссар, тиккура дуллантIиссар дезинфекциягу. Гьаннайсса, гьарзат хIисавравун ларсун, сантирай даву дулланса шартIру дузал дувантIиссар. Кьурбан-барандалийнсса хIадуршиндандан хас дурсса совешаниялий МахIачкьалалал мэр Жамбулат Салавовлул кIицI лавгунни, даву ларайсса даражалий дувансса хIарачат бувантIишиву.

Жува мудангу ялугьлан бикIару бусурманнал ва ца яла ххирамур, хьуннамур байрандалух. Ва кьини яла хьинмур, Аллагьнал хьхьичI даража лаваймур аьмалгу – хIайван биххаву духьувкун, Аллагьнал жула имандалул цIакьшиву ххал дуллалиссар ва мискинтуран кумаган гьира бутлатиссар, агьа-

РахIму-цIими ххи буллалисса байран

Гьашину Дагъусттаннай майрал ахирданийсса шанма гьантIа Кьурбан-байрандалул хIурматран бигьалагай кьинирдуну баян бунни.



линал дакIурдивун хьиншиву рутлатиссар. Каши думанал, ва кьини Кьурбан бивххун, лагма-ялттуми рязи бувансса тавпикь Аллагу Тааьланал дулланнав, циняв хьинми аьмаллу кьамул баннав, бунагьиртIал ялтту учIаннав. Агьалинал дакIру шадшиврул, ххаришиврул дуцIиннав, дьявирдал цIулешаннав дуняллий, гьарцаннал дакIниймур бартлаганнав! Амин!

Кьурбандалул кьини (аьраб-рай «Эд аль-АлхIа) исламраву ца яла агьаммур байран хьанахьиссар. Ва цурдагу бусурманнан ххирами зурдардивасса Зул-ХIижжа зурул 10-мур кьинир. Хьиривсса шанма гьантIагу байран кьинирдур, миннуйн «ташрикьрал» гьантри учай.

Зул-ХIижжа зуруйри бувайсса бусурманнал диндалул ца аслуну хьанахьисса хIажгу. Ва зурул 9-мур кьини Аьра-

фатрал кьини хьанахьиссар, хIажитал «Аьрафа» тIисса дарулу бикIайссар.

Ва кьини 1000 сура «Аль-Ихляс» (Кьулгьу) бувккуну хьинссар. Идавсил (с.аь.с) хIадисраву увкуну бур: «Аллагьнан яла ххирами гьантри Зул-ХIижжа зурул хьхьичIсса ацIва гьанттар». Ва зурул хьхьичIсса урчIра кьини, хаснува Аьрафатрал кьини зума дугьаву суннатессар, хIаж буллалиминнал личIаннин, миннал кьадугьайссар. Кьурбандалул кьини ва хьиривсса шанма ташрикьрал гьантлий хIайван биххаву суннатри, биххайссар балугьравун увхсса бусурманчунаха.

МухIаммад Идавсил (с.аь.с) увкуссар: «Байрандалул чIумал дуван бюхьайсса яла хьинмур тIул – хIайван бивххун, оь эькибутIавури» (Абу Давуд, Тирмизи, ХIаким).

Цамургу хIадис: «Ттул умматрава яла лайкьминналли кьурбан биххайсса».

Кьурбандалун биххан бучIиссар варани, оьл, кьяча, яттил хIайван. Кулпатраву ца инсаннаха кьурбан биххарчангу, суннат биттур баврил чирешала кулпатраин бияйссар тIий бур. Кьурбан биххаврил цаппара шартIру ккаккан дурну дур: Кьурбан биххаврил чIун Эдрал чак бувну махь дайдишайссар. Му чак баннин хьхьичI бих-

хан кьабучIиссар. ХIайван биххайсса чIилагу ххуйну дайл дурну дикIан аьркинссар. Биххан хIадур бувсса хIайвандалун чIила ккаккан дурну ягу ца хIайван гайминнун чIалай бивххун кьахьинссар.

Исламрал аьлимталгу ва зуруй мискинсса, ахIвал кIюласса, кумаграх мюхтажсса инсаннан бувсса цадакьа циняв идавстуран бувсаксану бацIайссар тIий бур.

Кьурбан-байрандалул жунма дакIнин бутлатиссар цадакьа баврил даража лахьшиву ва дакIнийхтуну Аллагьнал рязишиву тIалав даврил агьамшиву. Ва кьини жува ххари бувару каши чанми, гьанминначIан, дустурачIан хьамалу лагару, кумаг аьркинминнал чIарав бацIару, бувсса хьинбалартту кьамул хьуннав тIий дуаь дувару.

Барча дулай буру Кьурбан-байран! Агьалинаву рахIму-цIими ххи буллалисса ва байрандалул барачат шалвагу миллатраин, умматраин бияннав!

ХIажлив лавгцири лакгу, Дагъусттаннал агьлугу, дакIру хьиншиврул чаннал дурцIуну, ххарину зана хьуннав шаппашаппай! Миннал хIажлил барачатту шалвагу Дагъусттаннайн бияннав! Амин!

Патимат РАМАЗАНОВА

**БАДАВИ РАМАЗАНОВ**

Оьрмугу цушаву бур
Цимилул дакI думанан,
НицIаяр нацIусса бур
ДакIниву дард дакъанан.

Щарал пиягьру

Чюн бувайнал кюршантру
Ххалуьх лаххайсса кунна,
ЧЮлу-чЮлума махьру
Ххал буллаь, цачIун бував.

ЧЮйнашчал кIяла чIирттал
КкурчIа-чIирах дакI дачIай,
ЦачIун був мукьурттишал
ДакI дачIинсса хувивав?

Бургьил гьили дуркун
МикIларчIсса лухчи,
Лухчинува дуркун
Дачай дараччи.

Хьирив нани тIутIан
Ххуллу тIивтIуну,
Яла, ппухьлу кунна,
Лагаь лиртIуну.

Къув-аьс тIий ттуруллив
Къювурдай дия,
Лагмара лухччи-свав
Ххурху тIий дия.
ЯлачIин ларчIуна
Анавар гьарал,
Къув-ас къабагьуна
Щансса ттуруллал.
РахIат хьуна ттурулу
ВидачIра хьуну,
РахIат шайсса кунна,
ОьрчI бувкун нину.

Хьхьирил зуманицIух
Нажагь ачирча,
Хьхьирил шатIал чIурдах
ВичIи диширча,
Гива баллан бикIай
Аьзисса балай,
Аьзиз буттал кIанай
Щарашал чайсса.

Ттул ппу барцIру бичин
Авлиьн лагайва,
Амма ттул бакI бичин
Нигьа усайва.

ЩяивкIун, уччиннин
Хьалул ччатI букав,
Хьирив дяркьу шинал
Кьукьугу хIачIав.

Увсса кьинилун хасну

«ТалихI къабучIайссар тачIав ирсирай»

Хьус, кьини, къуллугьру
Ккалли бакьяь,
Хьудугьул хьун бувсса
Хьалул ччатIучIа.

ДакIний бакьар вил чурххай
ЯтIул гьухьа бивкIшиву,
ЯтIул нур дия чIалай
Вил чанна сипатраву.

ДакIний бакьар вил ччаннай
ЛухIи ттуплив бивкIшиву,
ДакIнивун бия кьутIлай
Вил лухIисса жавгьарду.

ДакIний бур гикку ина
ДакIнива бувсса гьалгьа,
Бьялилул ранггу хьанай,
БакIччаннавун буруглай.

Балайлухь

Щаллу хьуннин билукIу
ДакIниву лабивкIунма,
Щаллу хьувкун, булукку,
Ккунукова оьрчI кунма.

Бувккун махь, барзул кунма,
Гьава бува бюхттулну,
Винмасса кюру бува
Дустурал дакIурдиву.

ЛачIал чIали кунма
Мусил ранг хьусса,
Бивну бура ина
ЧIумувун цIана.

Агь, чIаллук мюхтажма
ЧIумуй укканнав,
Чанччанналун багьну,
Зия къахьуннав.

ЦIай-цIай тIисса цIуку
Ссавний левщунни,
Зана къашай ххулийх
Ца дус лавгунни.

ТIутIаяр ттунгьасса
Ми кIукIлу кару,
Ххирай, мадукьара
Ттул бакIраьту.

ТалихIрал бувцIусса,
Бувчусса яру,
Чийх бурган мабара,
Цал ттухгу бувну.

Ччайнугу, къаччайнугу,
Кьачинсса махь ливчунни,
Ччайнугу, къаччайнугу
ЧчарницIух цIу ларчIунни.

Ччайнугу, къаччайнугу,
НицIавун цIу багьунни,
НицIаяр нацIу ччаву
ЦIунияр кьурчIи хьунни.

ТалихI

ТалихI къабучIайссар
ТачIав ирсирай,
Я ласун къашайссар
Арцух, буржирай.
Щябитайсса кунма
Махьсса кьарчигьай,
Щябитан къашайссар
Жула каруннай.

Мунил хьхьури дусса
Гьарнахь цахьрари,



Дагьусттаннал чичултрацал



Лаккуйн нани ххулий

Муний захIматралли
Дишайсса кIили.
ТалихI ттун ккавккуна
Усттарнал кIунттихь,
КьютIилттул чIунихун
Ччаврил балай тIий.

Кьяпагу лавхьуну
ЧIирайсса мюрайн,
Ччянива оьрчIал ппу
Лавгуна аьрайн.

Ппу зана къавхьунни,
ОьрчI хьуна хьунни,
Буттал кьяпа оьрчIал
БакIрай бавкьунни.

Интнил гьантрай бувну
ЧIалсса марххала,
ЧIун хьуннинна тIутIи
ЧIатIу лиртIунни.

Хавар бакья бивну
Вил ялун бала,
ЛухIисса хIаллурду
КIяла лавгунни.

Зунзулчаннахь

Зунзулчаннахь чантI чара,
Чулия чул бувара,
Чаннахь лавай изара,
Зул ларзулун ургара.

БакIрай лухIи хаятIи
Хьазамрайх зизин бувну,
Зула ларзулу ина
БакI зихлай ттун ккаккара.

Баргь бувккукун зунттуха,
Зул ларзу бургьил дуцIай,
Ларзнил къанчуллалусса
Хьхьируннал балай учай.


Бусикьай, та бучIанна
Ина жулмур ларзулун?
Хьхьируннал бургьихь кунна,
ДакIнишчал дакI кIидачIин?

Ччаврил кIюрх

Ина шьяв бивхьувкун хьарайсса урша,
Нагу шьяв дуртсся кIунттихьсса нурша.
Мурчал хьюлчу дурна маршай банавша,
Мьяклин шин хIарчIисся
на вил кIунттиша.

Ина, бягли кунма, ятIул бивчунав,
ДакIниймур кIул бувна, маз хIала бакья.
Асарданул нагу лап гьалак увнав,
Хьазамравун ччаврил буран бувххуна.

Оьрмулуву гьасса жунма ккавккунни,
Га сурат абадлий дакIний лирчIунни.
Гичча дайдирихьуна жула ччаврил кIюрх,
Га сурат дакIнийну бахьлаганссар баргь.





ИСЯ МАХАММАДОВ

Ватандалухъ

Жул даКурдил кашилул
БакИшарашира ина,
Жул талихИсса оьрмул
Гьанугура битавсса.

Ина жул муданнасса
Интра ва аьршарайсса,
Ххазинагура ина,
Багьа бишун къашайсса.

Дусшиврул цаьк хьун бувсса
Кьалагура ина жул,
Цайми билятирттан
Эбратсса Ватангура.

Ласланнав ина ттигу
Цу-цусса ххувшавуртту,
Цусса чIумул бакIчийну
Дачиншиврул хьхьичIуннай.

Дагъусттан

Жул пахру вицIунни,
Виртгаврал миная,
ЧIяву миллатирттал
Дусшиврул кюруй.

ЧIявур вил хьамалгу
Хьун Ватандалий,
Кьамулгу буvara
Ина ми лайкьну.

Вил бюхттул зунтурду
Цал янин ккавкнан
Яла оьрмулхун
Хьамакьабитай.

Жул аьзиз Дагъусттан,
Жул даКIнил давран,
Жул давла инара,
Дингу инара.

ЛичIаннав гьар шинах
Ина цу лаглай,
Дуньяллийх ца ларгсса
Ххаллил Дагъусттан!

«Ттул ссалам инсантурайн,
хьиншиврул вибувцIусса»

Лакрахъ

Багьаннав зувун гьира,
Дулуннав зухьхун кьудрат,
Цулаган дан шархьурду
Буттахьал миналийсса.

Жува бухьувкун лахьсса
Аькьлу-кIулшилул агьлу,
КьабучIирхха ялттува
Лакку кIанттух буруглан.

Бачи байбишиннуча,
Цинявппа цацIун хьуну,
КIура баллан лажинну
Аьзизсса Лакку улклуйн.

Хьинникьай

Кьинигу дайлиртIуну
Хьху лирккунни аьршарай.
Бувккун зунттул хьачIниха
Хьху чанна дунни зурул.

Лагмара хIасул хьунни
Караматсса лишанну,
Хьинникьай барзгу ссавний,
Цаннайн данди бацIаван.

Ттул ссалам

ЛухИ-цIансса ттурулл
Кувни кIучI бай чанна баргь,
Бивчуну микI, аьтI дай
Аривсса оьрчи тIугIив.

Бурандалул лиян бай
ТIугIайх бивчусса мурхьру...
Ттул ссалам инсантурайн,
Хьиншиврул вибувцIусса!

ЛачIлай дур майрай гьарал –
ЛачIлачувча иминну.
Бишлай бур бякьусса марч –
Бишлашувча хIаллицих.

ЛачIлай дур цу кьавтIилий –
ЛачIувча кьаралданий.
Най ур инсан кьатIувай –
Зал архIалну насувча.

Инсаннан ччатI булайссар
ЛачIа ххяххай аьршарал,
Мякьлин хIачIайсса шингу
Личай аьршаравату.

ТIугIив, ахьру, ахьулсса
Шай аьршарай гьар шинах,
Гьарца рухI дусса затрал
Оьрму дузал хьуншиврул.

ТачIав атомрал цIарал
Пякь чин кьаданнав Аьрши.

ДаКI дуцIин дувай

Аьршарал ххют кунна –
Ялув някIсса ссав,
Гьаргь – мусил ашрапи,
КIанийх сайр буллай.

Шарнил лув шараша –
Гьаргь арцул парча,
ЦуцIуй хьункIултIугIив
Мурчахь шуршулий.

Ар – тIугIай шаршусса
Оьрчи халича.
Зунттул чулух хIалу –
ХIайрансса накьич.

ПархтIугIи – бургьил нур
Ахь чанна буллай,
Жюружанттул чюхру –
Ххяллул чурх шюшлай.

Ххарисса асардал
ДаКI дуцIин дувай,
Я щувкун лагмасса
Вай суратирттайн.

ЧIун – цурку

Ца-цаних тIий, дацлай,
Оьрмулун шинну,
ЧIун дур цила тарих
Авадан буллай.

Ляхьлай акьар цуцIав
Ва дуньяллий
Ва «цуркун» багьайсса
ТанмихI кьукьинсса.

Аьршарай муданнасса
Дакьассар ца цичIаргу,
КьадикIантIиссар гьанай
Мудан цурда Аьршигу.

Инсантал, мабулларди
Зу аьршаран зараллу,
КьабацIаншиврул ганил
Оьрму чIун дияннинма.

Цуцуллал аьлимтал,
Зун хьун барчаллагь,
Авадан хьун бувсса,
Миллатрал тарих!

Элмурду ттирикIлай,
Зу бувсса захIмат

ЛичIантIиссар дарснун
Махьа нанинан.

ДаКI хьинсса инсаннавар
Ххуйсса тIуллу дуккайсса.

Хьярч бан кьакIулнал хьярчгу
Хьун питналийн буккайссар.

Арцуин иман дирхьума
Гайннул лагь хьанахьиссар.

Ттукул заллу – чай,
Чал заллу – ттукуй.

Винма кьакIулмур кIул бан
КIулнахь цIувххуну хьинссар.

Духмур шин ларгунни,
Цумур дуркIунни,
Цу-цIусса хиялал
Ттул даКI дурцIунни.

ДаКI дуцIай ххаришиврул,
Ххи шай чани яруннин,
Цушар, ина ххал хьувкун
Цусса кьатрал цу дурну.

Бавкьуну кьазурча
Канийсса кIисри,
Дузрайн кьадуккайссар
Дуллал даву.

Цурда отпускрайн гьаннин
Ссут дур мурхьирдаяту
КьатI буллай хьахьичIапIив.

КIачIа хьусса мусил ссут –
Мюршну ларчIсса гьаралу
ЛуххацIа чурх марцI буллай.

КIа баргь аьршаран кунма,
Нину аьркинссар оьрчIан.

Аьдада бувтсса гьантрал
Оьрму лахьичIа кьабайссар.

Шаэрнал шаэршиву
Оьттувур дикIайссар.

Буккултрал назмурдава

Ттула буттал
Шакирдун аьпалун

Агь, ина лавгунна
Кьалагай чIумал,
Кьагьавияв, буттай,
Мукун бигьана...
Зумадуьгул зуруй
Заннал увцунна.
Увцунна, зевххунна
Жул даКIурдиша.

БайлиртIунни аьрххи
Ва аьршарайсса,
Духларгунни вишал
Жул кьатлул сийгу.

Чан хьунни хьамалгу,
Хьярч-махсаругу.
Агь, ттул оьвху буттай.
Бухлавгсса муттай!

Ина лавгун мукьах
Ялун бивзунни
Вил наслулул читIри –
Вил лашин-аьшру.
Тти вайнахь насихIат
Щилликьай бусан?..
Ттухьва бувсмунива
Нава бусавив?

Агь, ттул яхIлув буттай,
Ялувсса магьий,
Ттул даКIнил гьава бай
Бюхттул хьатгирдуй!

ЯхI буванну жугу,
Вил яхI даКIнийну.
Ябанну ирсирай
Язисса аьпа.

Ттул буттал чивчунна
Шеьри буттаха,
Вана, нагу чичав
Ттуламаннаха.
Аман, хьунававлий
Ттулма арснаца
Чичин кIира аят
Цала буттаха?!

Рамазан КьУРБАНОВ,
ш. Ккацран

Кашилух урувгун,
мабара дустал

Бур, валлагь, замана бувчIин захIматсса,
Чивиманал хьунма сан кьауллайсса,
Вил каша агарда ларайсса хьурча,
Вил лагма лаганми чан кьахьунтIиссар.

Анжагь кIулмагума «мачча хьунтIиссар»,
Хьинирву усуну лякьин бюхьайссар,
Вил каша цакуну чIири личIарча,
Луглан багьантIиссар
чIарав бивкIминнах...

УчIину ялагу лякьин бюхьайссар,
Каша чIиринугу, даКI аваданма,
Иш багьний вил чIарах изан бюхьайссар
Булумур кьисматрайн шукру бувайма.

Салман ИСМАИЛОВ,
ш. Гьуйми



Хаварбусу
Тили-тили, тили-та
ХАятрав бюхттул кьатта!

ВичИи дишара, оьрчIрув:
БивкIун бур, кьабивкIун бур
Дунияллий ца ччиту,
ЛичИну аьламатсса,
Махмурданул чIарасса.
Цуппагу цайми кунма,
Яхьанангу кьаччисса,
ЦИхьлуй утукьабихьлай,
КIукIлусса шаний ччисса!
Цинмасса чIиви тахлий
ЯтIул виргьандалулу
Кьувлул кIукIлу кIараллий
БакIгу ладикIан дурну,
Лякьа лавай багьайсса,
Неьматрай, кайпрай ччисса!

Тили-тили-тили-та!
БивкIун бур ччитул кьатта!
Цинмалу цIуну бувсса!
ЧIавахьулттил нузкьунтту
Накьичиртгал шаршусса.
Лагмара гьарта хIаят,
Гьар чулуха ларкьусса.
Кьатлул чулух нузкьунттух
Кьарал-хьунмавхьу ччиту.
Муданмасса кьаралчи
Залуннал кьатлул кьарал!
Ххуллурдугу башайсса
Ччитул кьатлул хьхичIату,
КьапулучIа чIатулттух
КьатIухми лихьан байсса.

Вана бивкIун хьамалу
Ссийл оьрчIру, кIива ятин,
Авадан нитгилссийчIан
Ххал дуван хьамалушин,
КьутIа тIий чIавахьултийн
Буххан битияра тIий.

Ччитул оьрчIру

Нитгирссий, Ччитушай,
Бургула чIавахьултийх,
ОьрчIан за дукан ччай бур,
Вил маэшат лахьсса бур,
Гьили бува жу, ччитуй,
КьацI учинмур дулуну.

Ччиту Василий
КьутIа тIисса цумару?

Ва нара кьутIатIала
Ччитул хIаятлакьура,
Хьунмавхьусса ччитура!

Ччитул оьрчIру
Жу — ччитул ссийл оьрчIруру!

«ЧимучIали»

САМУИЛ МАРШАК

«Ччитул кьатта»

Пьеса

Гьуртту хьанакьими:

Ччиту
КIива ччитул оьрчI
Ччиту Василий
Кьяца
Цуку

Ажари
Ку
АьнакIи
Тта
Хаварбусу



Ччиту Василий
На аьппаси булунна
Зунна пряникру ласун!
ЖучIа оьрчIру чIявуссар
Пряникру гьарнан ччиссар!

Ччитул оьрчIру
Ина буси нитгирссийхь,
Жу ятингал бушиву,
Кьатлул магьи дакьасса,
Полгу кIуллал дуркусса.
Хьякрурду дагьсса чIирттайх
Марчгу гьанай бушиву,
ЧчатIгу касак кьабивтун
Танийва бувкушиву,
Укун кьиялий бусса
Буси вила залуннахь!

Ччиту Василий
Букьи, бакьахьи чIатIалтI,
Барт дукан тамахI багьрив?
Бащикьай на цIанакул
ЗуцIухсса цукун байрив!

Ччиту
Щицалла гьалгьа тIисса,
Ттул кьуллугьчий Василий?

Ччиту Василий
Нузкьунттух оьрчIру бия,
Дуканмур дула тIисса.

Ччиту
Нач-хIая! Муна хавар!
На чIивисса заманнай
ЧIаххуврайсса кьатравун
Ччитри кьабучIайссия!
Жуятура ци ччиссар,
ХIиллакарсса ми оьрчIан?
Ккашилсса ччитул оьрчIан
Приютру бур шагьрулий!
Дакьар миннаяту жун
Дигьалагру дурагу,
Неххавун бюкьан бувну,
Бири-бат бан багьансар!
БучIанссар дустал шана,
Нагу ххарил лехланна.

Хаварбусу
Авадансса ччитучIан
Хьамал ялун бивкIун бур:

Шагьрулий машгьур кьяца
Эц диркIсса шарссанишал,
БакI шалва кIяла хьусса
Ччанну лахьи цукушал!
Бияй оьажаригу,
Ганишал аьнакIигу!

Ччиту
Кьяцай, КьяцIулмаа!
На вих ялугьлайнма!

Кьяца
ХI-хI- хIурмат вин, ччитуй!
Жу ати -и-ил хьунну чансса,
Ххуллийх гьарал ларчIукун
Щинал бягдайх нан багьну.

Цуку
Ди, хIакьину ласнашал
Щинал бягдайх най бивкIру.

Ччиту
Ссалам Ажарий-Жарин!

Ажари
Барчаллагь !Э-оь-оь-оьууу!!!

Ччиту
Инарив ттун, аьнакIий,
Ххал шара хьинну чанну!

АьнакIи
ЗучIан занан кьабигьар,
Архну яхьанай буру.
Жу, мискинсса аьнакIив,
Шаппаллил душру буру!
ЦIана ххюягу бивкIру
Зул ххаллил кьатри ккаккан,
Гьарнал мазралун дагьсса!
Миннуй тамаша буван!

Ччиту
Ттул нузру тIиртIуннассар,
Вана ттул аьшвашхана,
МатахI марцI пьютралли -
Ва кIанур, щябикIайсса,
Ва усттул, за дукайсса.

Кьяца
Ва усттул, щябикIайсса!..



Цуку
Ва кIанур, кьуршу байсса!..

Ччиту
Зу баякьлай буру, дустал,
На мукун кьакьуссия!
Зу кIантту цан кананну?
Миннуй зу щябикIира!
МатахI дукьакIайнугу
ЩябикIан ми кьулайссар.

Цуку
ТIайламур бусан ччарча,
Жу кьяцIушал цаллагу
Усттулданух щябивкIун
Дукрарду кьадуркуссар!
Ахттайнссагу ахьуву,
Гьартанийри жун ччисса!

Ажари
Мунияту зуяту
Оьккину гьалгьа тIисса!
(Ччитухь)
Цумур кьатлувунссари
Ва урчIахуннайсса нуз?

Ччиту
УрчIахунмай – ишккапри
Ттулла янна лаххайсса,
Куяхмур – тавханари
Тушак ва тах бивхьусса.

Ажари
(лагьну аьнакIухь)
Бургула! Кьувлул шану -
марцIсса кьув!

АьнакIи
(лагьну)
Ажарий! Ванил жула оьрчIру
бацай!

Кьяца
Тти вагу цир?

Ччиту
Цушинна —
Чаннаннил кIуллукьатIа!
Ттун кIулли бугьлан кьаччир,
На ми кьатIух бугьара.
Кьалакьби ялун дагьссар,
КIулу кьатIул бувгьуссар!
Ттул буттал улклуй ччитри,
КIулли бугьайсса бакьар.
На – хьхьирил тихассара,
Ттул ттаттагу – Ангорский!
Ляхьби, Васяй, хьун чани,
Ккаккан да ганал сурат!

АьнакIи
Парх икIаву!!

Ажари
Ххуй икIаву!

Ччиту
Ттуха цахьис лашин дур!
Вагу ттул ттай-тавханар

Шивун хьамал буххайссар.
Халичартту, дагьантту.
Пианоногу ласав
Ца маша бай ттукушца.
Интуригь гьарца кьини
Балайлул дарс лахьхьара!

Кьяца
(Цукухь)
Бургулагьар дагьанттах!
Гьарцанниву кьяца бур!

Цуку
Ми яруннийх ка дукки:
Цинявннуву цуку бур!

АьнакIи
Бакьар! Ци цуку тIийра!
Шикку буру анжагь жу:
Ажари ва АьнакIи!

Кьяца
ЧIаххул, танийн бикIанну,
Ва нахIакьсса бяст буллай?
ХIурмат бусса хозайкай,
Учала жун ца балай,
Музыкагу бившуну!

АьнакIи
Вишала ажарттулгу
Учин бувала балай.
Пахру буллан кьаххуйри,
Амма ажарттул чIу бур
ЛяличIину тIаансса,
ЩихачIав кьалавхьхьусса.

Ажари
На балай кIюрххил чара,
Ххануяту бучIаннин
Зун муксса ччай бухьурча
На зушалгу учинна.

Кьяца
Мунихра ялугьлайсса,
Итабакьира балай
Лавгзаманнай кунмасса:
«Ца багьраву, ца хьюву,
Каландалул ахьуву»!

Ччиту
Мяв!Мяяв! ДуркIунни хьхьу.
Пар тIий бур цалчин цуку!

Ажари
Ина чун бакьа хьура?
Э-оь-оь-оьууу...
Кьюд- кьудаааа?..

Цуку
(кьяцIухь, хIаллихь)
Ил, авлияй, кьуртал хьу

(Гихунмайгу буссар)

**Пьеса Лакрал театрданул
бивхьуссар.
Таржума
Патимат РАМАЗАНОВАЛ**

Жижара


**МАХАММАДУЛ
АРС МАММАЕВ
МАХАММАД-
ХИАЖИ**

Май зурул 18-нний Вихуллал шяраву хьунни чЯвусса инсантурал даКурдиву пашманшиву хАсул дурсса бивкЮ. Кууллал, Лакрал ва Къизлардал даралува яхъанахъисса лакран ахиратрал хьума ххуйну кЮлссия.

МахАммад-хИажи увссар Вихуллал шяраву 1943-ку шинал. Ванал ппу МахАммад Хьун дьавилия зана къавхъуссар. МахАммад ниттил увну 40 гьантта лавгсса чУмал, вайнначИан Хьун дьавилий Ватан дуручлай буттал жан къурван дуршивруа бусласисса извещение дуркИссар.

МахАммадул пал Вихуллал шяраву къуртал бувссар дянивмур даражалул школа, яла, армия лавхьун махъ, дуклан увхссар Дагъусттаннал университетравун филологиялул факультетрайн. Ми диркИссар 1960-ку шинну. Университетраву тай шиннардий ихтияр дуллуну диркЮн дур чил мазурдива аьрабналмур мазгу лахълансса. МахАммадул язи бувгьуну бивкЮн бур аьраб маз. Яла махъ цала аьрабнал мазрал чулийннайсса кЮлшивугу ванал хьиннура гьарза-гьарта дурссар. Бусурманнал диндалул тГалавшиннардуго биттур дуллай, къулгьу-къуран биялну кЮлсса инсанну хьуссар. Лавгссар ва хИаж бангу. Мунияту ванайн яла МахАммад-хИажи, куну учайссия.

Жу, Вихуллал шяраваллил дянивмур даражалул школалул учительтал ва дуклаки оьрчЮру, къурчИшиву кИдачИлай буру, Вихуллал шяравасса **Маммаев МахАммад** ахиратрал шаврийн бувну, ванал кулпатрахъ, уссу-ссурваврахъ, душваврахъ ва махъсса цинявпагу гьан-маччанахъ. Яраппий, я Аллагъ, МахАммад МахАммадовичлул бунагьирттал аьпа баннав, рухИ бигъаний дишиннав.

Ххуллурду бакъин буллайна бур

Мартрал ахирданий ва **М**апрельданул дайдихъулий ларчИсса чЯрусса гьараллу савану жулла республикалул муниципалитетирттал ххуллурдан къачансса зараллу хьунни.

Ттигу-шилагу вай бакъин буллалисса давуртту дуллайна бур ххуллурду зузалт. Зараллу бивсса хьуну дур 162 участок, цананин вайннува бакъин бувну бур 147 участокрайсса ххуллурду, 15 участокрив цалсса ттигу тИртЮну дакъар.

Университет къуртал бувну махъ ва зий ивкИссар оьрус мазрал ва литературалул дарсру дихълай Лавашиял райондалий Арши тИсса шяраву, Къизлардал райондалий Большой Бердихин тИсса шяраву. Бердихиннайсса школалый зий унува, ва шяраваллил мизитрал имамнугу зий ивкИссар. Гиха зана шайхту, зий уссия Вихуллал шяраву учительну. Цаппара шиннардий Вихуллал шяраваллил мизитрал имамнугу. Махъсса шиннардий зий уссия Лакрал райондалийсса Хьуннайнал шяраву ва Кууллал райондалийсса Цийшиял шяраву.

МахАммад учительнал касму лархъхъусса инсан ивкЮнугу, ванаву бия Аллагналва буллусса цаймигу гьунарду. Ванал ххуйну дишайва суратру, чичай-ва шеъррду ва хаварду. Амма ми чийвун буккан къабайва. Ламус ххисаласса инсан ия. Ванал хьирив, ва цацИана бивкЮлийн ягу мавлудрайн учин, шархъаягу машинартту бучИайсся. Ванал такъвагу хьинну кЮкЮлсса, чИаравминнавун шавкъ дутлатисса дикИайва. Цувагу дакИ хьинсса, шичалчИав цукунчИавсса рит-ххитлил зумунусса ихтилат ва бястру къабувайсса, аьккЮлчулул авадансса зунтталчув ия. Кулпатирттаву хьусса бувчЮ-къабувчИавурттугума ванаша щаллу дуван ца чулийн дутан бюхъайва.

МахАммад-хИажинал ва ванал кулпатрал Аьйшал дянив хьуну ия кИия арс ва шанма душ. Арсру, кулпатру буванинма, апатЮру нясив хьуну, ахиратравун лавгуна. Душру, шар хьуну, цала-цала кулпатиртташала яхъанай бур.

МахАммад-хИажи ахиратрал шаврил къурчИшиву кИдачИлай буру ванал кулпат Аьйшахъ, душваврахъ Мадинахъ, Марияннухъ, Магфиратлухъ, ссу СалихИатлухъ, уссурвал Мусахъ, Булатлухъ ва махъсса цинявпагу гьан-маччаминнахъ.

Яраппий, я Аллагъ, ина паракъат хьусса кИанай нур диннав, хИавтИ паммалул шануну хьуннав. Ина жун муданагу шяраваллил ххаллилсса инсанну даКурдиву личИантИссара. Амин!

Вихуллал жяматрал цИания ХИажимурад ХИУСАЙНОВ


**МАХАЛИЛ ДУШ
ХИАММАНОВА
УММУГЬАНИ**

Уттигьанну оьрмулул 92 шинаву аьпалухъхьун лавгунни халкъуннан кЮлшивуртту дулаврил ххуллий хьунмасса захИмат бивхъусса, ххаллилсса учитель ва тарбиячи, Гьумучиял шяравасса ХИаммадова Уммугьани МахАлил душ.

Бувну бур Уммугьани 1934-ку шинал май зурул 10-нний Гьумук, МахАлил ва Аьйшат Хучра-


**АБДУЛЛАГЬЛУЛ
ДУШ БАШАНАЕВА
БАНАКУСУМ**

Вай гьантрай оьрмулул 92 шинаву аьпалухъхьун лавгунни, ххаллилсса хьамитайпа, бусса оьрмулий заводрай зий, ларайсса ккаккьяртту чИалачИ дурсса инсан, Хьун дьавилул ятин, Хьурттал шяравасса Банакусум Башанаева.

Бувну бур Банакусум 1934-

евхал кулпатраву. ЗахИматсса дьавилул шиннардийн тГайла дарцЮну дур ванил оьрчИшиву. 1942-ку шинал Калуга шагьрулия ххюва мюрщисса оьрчИал ялату дьавилийн увцуну ур ппу. Му ппурттуву вайннал кулпат тийх ялапар хъанай бивкЮн бур. Ласная чагьарду къабукИлан бивкЮкун, нину, оьрчЮругу бувцуну, Дагъусттаннайн, цила ватандалийн, бувкЮн бур. Ялапар хъанай бивкЮн бур Хасаврай гьанчувначИа. ЗахИматсса оьрчИшиврул шиннугу ларгун, пиша лахъхьин аьркинсса чЮн дуркЮкун, Уммугьанил учительнал пиша язи бувгьуну бур. 1953-ку шинал ва бувххун бур Хасавюртуллал педагогикалул училищалувун. Му къуртал байхту, тГайла бувккун бур зун Шуссалкрал райондалийсса ТЮхчардал шяравун. Арулва класс бусса ТЮхчардал школалый байбихьуллул классирттаву дихълай бивкЮн бур оьрус мазрал дарсру. 1961-ку шинал шар хьуну бур. ОьрчЮру бувну махъ, зийгу бунува, ларайсса кЮлшивуртту ласунсса гьирал заочнайну бувххун бур Грознайлийсса Педагогикалул уни-

ку шинал Хьурттал шяраву, Аьбуллагьлул ва Аьжал кулпатраву. Ванил ппу, ххюва мюрщисса оьрчИал ялату дьавилийн увцуну, зана къавхъуну ур. Ппу дьавилийн увцусса чУмал Банакусумлун 7 шин диркЮн дур. Ва дуклай бивкЮн бур Хьурттал байбихьуллул школалый. Шикку мукьва классгу бувккуну, гихунмай Гьумучиял дянивмур даражалул школалый дуклай бивкЮн бур. Амма ванин дуккаву къаритан багьну бур, ххюва оьрчИ ччаннай бацИан буллалисса ниттин кумаг булланшиврул.

1948-ку шинал зун бивкЮн бур Буйнакскаллал трикотажный фабрикалий. Укун, оьрмулул 14 шинаву байбихьуну бур ванил захИматрал ххуллу. 1960-ку шинал, шар хьуну, МахИачкъалалив бивзун бур. Шикку зун бивкЮн бур «Стекловолокно» заводрай. Оьрмулул чЯруми шиннугу шикку зий ларгун дур. ЗахИмат ххирасса, жаваблувсса, зат лаласайсса Банакусумлуя ца-кИва зурува мастер хьуну бур. Утти ва цинма кЮлмур цЮну бувкИминнан лахъхьин буллан бивкЮн бур.

Банакусум лайкъ хьуну бур Коммунист захИматрал медальданун. Кьамул бувну бур коммунистюртал кьюкЮлвун. ЧИал

верситетравун. Уммугьани зий бивкИссар ТЮхчардал школалый 1998-ку шинайннин. Ванил хИурмат хьунмасса бия архИал зузиминнал, дуклаки оьрчИал ва миннал нитти-буттал дянив.

КЮлшивуртту дулаврил ххуллий бивхъусса захИматрахлу ва лайкъ хьуну бур «Отличник народного просвещения», «ЗахИматрал ветеран» тИсса бусравсса цИардан. Уммугьани бия цила пиша ххирасса, оьрчИах ччаву дусса хИакъсса педагог, ххаллилсса нину, бия дакИ хьинсса, хИал бавкъусса инсан. Иман-Аьлил ва Уммугьанил 65 шинай цацЮ оьрму бувтун бур. Уммугьани мудар дакИний бикИантИссар оьрчИан, оьрчИал оьрчИан, цинявпагу кЮлминнан.

Уммугьани аьпалул хьусса къурчИшиву кИдачИлай, жижара буллай буру оьрчИахъ, оьрчИал оьрчИахъ, махъсса гьан-маччанахъ. Имандалый лавгун хьуннав, алжаннул ххари баннав, махъминнахъ хьун цЮллушиву дулуннав.

ТЮхчардал жямат

къавхъуну бувчЮну бур заводрал парткомрал членну. 1973-ку шинал - партиялул райкомрал членну, ца шинава - партиялул горкомрал членну. Мура шинал ванин дуллуну дур ЗахИматрал ЯтЮл Ттугьилил орден. 1976-ку шинал КПСС-рал 25-мур съездрал делегатну бувчЮну, Дагъусттаннал делегациялушала Москвалийн лавгун бур. Съездрая зана хьуну махъ бувчЮну бур Дагъусттаннал КПСС-рал обкомрал бюорал членну. АцИра шин дурну дур микку.

1981-ку шинал Банакусумлун дуллуну дур Октябрь революциялул орден. Муниар махъ ва лайкъ хьуну бур ДАССР-данул Верховный Советрал Президиумрал чулухасса ХИурматрал грамоталун. Цила захИматрайн ва хИарачатрайн лахъсса даражалийн лавхъсса хьамитайпа бия Банакусум. Ванил бувтссар хьинну чЯвуссаннан эьратрансса оьрму.

Банакусум аьпалул шаврил къурчИшивугу кИдачИлай, жижара буллай буру цинявпагу ванил гьанчувнахъ. Алжаннул ххари баннав, рухИ бигъаний дишиннав, махъсса циняввнал оьрмурдай барачат бишиннав.

Хьурттал, ШавкЮллул ва ЧЯййнал жяматирттал цИания Шамил КЮРБАНОВ

Дяшагьрулувусса «Зунттал рангру»

МахИачкъалалив Р. МХИамзатовлул цИанийсса Национальный библиотекалий тИртЮнни Республикалул Халкъуннал творчествалул къатлау «Самородки» проектрал лагрулийсса «Зунттал рангру» цИанилусса выставка.

Ванил ляличИшивугу дур шикку дирхъусса суратру ляличИсса оьрчИал каруннила дурксса душивруву. Тамашачитурал хьхьичЮн ва ххуллухъ дуккан дурну дур Хасавюрт шагьрулийсса «Спартак» цИанилусса Культуралул дворецрал гьанулий зузисса «Краски гор» арт-студиялийн заназисса, цЮллу-сагьшиврул ляличИшиву дусса

оьрчИал дирхъусса 50 сурат. Вастудиялий каялувшиву дуллай ур Аьрасатнал Пастелистюрал союзрал член Шамил Закарияев. Шикку укунмасса оьрчИашала суратру дихълан занай буссар цЮллу-сагьшиврул ссуссукуьсса оьрчЮру (аутизм дусса, кьюкИсса, гьалгьа тЮн къашайсса). Выставка тИтИлатИсса кИанайн бавтЮн бия республикалул магьирлугьраву ва маданиятраву цИарду машгьурсса инсантал, оьрчИал педагогтал, нитти-буттахъул ва дултал.

Ва выставкалия Республикалул Халкъуннал творчествалул къатлул директор Марита МухИадовал укун увкунни:

–Ва хъанахъиссарттуна хьинну ххирасса «Самородки» проектрал ца бутЮну. ХхюцИалла яргсса пастель, Хасавюрт шагьрулийясса, гьунар бусса 30 оьрчИал дирхъусса. Шиккусса гьарцЮгу сурат – му чИрисса дуняйли, оьрчИан цанна хИсав хьусса ва чагьарданийн ласун бювхъусса. ТИабиаьт, натюрмортру – вай цимурца дурну дур дакИнийхтуну. Ттун хьинну асар хьунни «Краски гор» студия личИ-личИсса оьрчИан кИлчинсса къаттану шаву. Хьунмасса барчаллагъ ванил каялувчи Шамил Закарияевлун ва цалва оьрчИайн вихшала дирхъусса, вайннал чИарав бацИлацИисса нитти-буттахъан.

Бадрижамал АБЛИЕВА

Лакрал халкъуннал учаларттава

Гъивулия зимиз лихъан бува.

Гъанчув обкъини хъинну льякъайссар.

Дард дачинма уния, дар-дру дуван ци бия.

Дуниял чурттур: кув лахъайсса, кув бучайсса.

Дуниял хъинсса инсан-тал бакъа дакъассар.

Душман канийн увкъукун, чувнал куна халал ити.

Залуннал вичлив къюк-ссар.

Заннан чири байссар тий, ккашил лиявай бияв.

Зарал бан бигъассар, га тийла бацан бан зах-матссар.

Зумадугъул барзри тий, закъумирал барз бия.

Зунтту лахъсаксса ттурлугу ччяни щайссар.


Зулмулуд ахир обнийн дуккайссар.

Зулму лахъи къалагай-ссар.

Чирилул даву «Ттул дакІнил ва чурххал мархри Лаккуйри бусса»



Цу дуккан дурсса Гъарун Саэдовлул гъайкал титІлай. 2006 ш.



2026 ш.

кказитрал шалчинма редактор-гу ухъувкун, ванал ца лакрал тарихраву чирчунугу духъувкун, «Илчилул» редакциялун жуйва бивхъусса буржну чІалай бур ва гъайкал цу дуккан даву.

Ва чирилул давриву, гъайкал цу дуккан давриву, чІарав бацанми чан къахъунссар, тІисса умудрай буру. Ка-кума баву дакІнин къамулу буминна-ща баян бан хъунтІиссар «Илчи» кказитрал редакциялийн.

Лакрал виричу оьрмулия шакъаливхна ахиратрал хъусса кІанттай чІарах наниминнал

Цахъардал Къуманиву, ЦхуллуцІ маршай, дир-хъуну дур «Илчилул» цалчин-ма редактор, шаэр, драматург, революционер Гъарун Саэдов-лул гъайкал. КъатІуппай нани-миннахъ «ххуллухъин», шаппай наниминнахъ «баврув» тІисса куна, чІалан икІай миллатрал бюхттулсса арс Гъарун Саэдов.

Ва гъайкал дакынгу дурну, цу дуккан дурессия 2006 ши-нал «Илчилул» хъунмур редак-тор Качар ХІусайнаевал сип-тальнойну.

Цу дуккан дуресса гъайкал титІлатІисса мажлисрай гуртту хъуссия Дагъусттан Республика-лул миллатрал политикалул, ин-формациялулва къатІалилчалсса дахІавурттал министр, аьпа биву МахІаммадсалихІ Гусаев, милла-тирттал кказитирттал хъунами



Байбихълай буру гъайкал цу дуккан дуллай

редактортал, бусравсса хъамал. Ларгунни шинну, Гъарун Саэдовлул гъайкалданул чІалачІин цІана гъайбат дакъасса даража-лий дур. Гъарун Саэдов «Илчи»

алхІам буккинссар тІисса ният-гу дур.

Руслан КЪАРДАШОВ,
«Илчилул» хъунама редактор
Тел: +7(903)480-96-03.

БЕСПИЛОТНЫЕ ВОЙСКА РФ

НОВЫЕ. НЕЗАМЕНИМЫЕ.

ВОЙСКА БЕСПИЛОТНЫХ СИСТЕМ РОССИИ

117#4


СЛУЖБА ПО КОНТРАКТУ В САМЫХ ТЕХНОЛОГИЧНЫХ ВОЙСКАХ

www.povsk05.ru

МАХІАЧКЪАЛА



Гъавалул тагъар



ГЪУМУЧИ



Газета «Илчи» (Вестник)

Учредитель: Агентство информации и печати Республики Дагестан

Издатель: ГБУ РД «Этномедиахолдинг «Дагестан»

Хъунама: МахІаммаев Аь.М Тел.: 65-00-25

Хъунама редактор: Къардашов Р. Аь.
Хъунама редакторнал хъиривма: Башаев Р.М.
Жаваб дулайсса секретарь: Исмяилова С.Р.

Редколлегия: Адамов АьбурахІман МахІаммадович Аьбуллаев Сапарбаг Аьлиевич Аьлиев ХІажи Сулайманович Исрапилов Артур Анварович Маммаев Сулайман Нураттинович МахІаммадов Юсуп ХІамидович Оьмаров Супиян Расулович Илиясов Марат Сиражуттинович Хасаева Гульшан Рамазановна ХІажимирзаев Зиябуттин Аьбусупиянович ХІусайнаева Качар Абачараевна Шайхалиев Астемир Икрамович Шалласуев Шалласу Рамазанович Эльдарова Роза ХІажиевна

Отделлал редактортал:

Аьбуллаева А. П.
Аьдилов ХІ. А.
Рамазанова П. ХІ.
Тахакаева З. К.

Корреспондентътал:

АьбурахІманова З. Т.
Аьлиева Б. Д.
Саидова И. А.

Корректор:

АхІмадова А.И.

Кказитрал дизайнертал:

Абакарова К. Н.
ХІажиева З. У.

Кказитрай дуресса макъаларттаву кІицІ лавгмур тІайлашиврул жаваб дулайссар чивчуманал.

Редакция макъалалул залуннал пикри-лий рязину бакъахъурчагу, макъала рищайссар, жяматрал цаламур пикри бусанссар тІисса ниятрай. Кказитрайн дуркІсса макъаларттайн рецензия къа-чичайссар ва ми залуннахъхъун зана къадайссар.

Кказит буккайссар ножмардий цал. Шинай итабакъайссар 48 номер.

Кказитрал индекс. П7046

Тираж – 1735 экз.

Адрес редакции и издателя: 367018, г. Махачкала, пр-т Насрутдинова, 1а e-mail: ilchi@etnomediadag.ru http://ilchi.info Тел./факс. 66-00-59

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД. Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Феникс-пресс». Адрес: РД, Шамилский район, с. Хеб-да, ул. Сураката Асиятилова. Срок подписания в печать 19.00. Подписано 19.00.

Цена 10 руб.



4 651116 280051